

罪  
惟  
錄



罪惟錄志三十二卷之上

外志總論

外云者非外也。以輔內也。以察內也。以寔內也。以證內也。內有存字之格。如事屑而不登。華勞而或缺。輔之。延始稱。備內有該放之情。如此是而彼非。前得而後失。察之。乃始見。的內有舉端之法。如特善而未詳其委。擄事而未察其微。在附見而事當為之始末。在小節而義確有綱維。寔之。乃始稱成。書內有矜嘉之隱。如全瑜而姑漏其瑕。節可而溢加之譽。失交而猶有可原之情。偶誤而幸有難違之罪。証之。乃始云定案。至於傳聞側見。即未必果真。是在尚論。







帝初渡江至太平般若菴時微服僧詰不已遂題詩壁上  
腰間寶劍血星已殺盡南蠻百萬兵老僧不識英雄漢只  
管叨叨問姓名僧惧禍洗去更題四語壁上新詩不可留  
欲留在此鬼神愁慢將法水輕々洗洗去毫光射斗牛  
又相傳太祖出戰偶宿一家題壁曰二之十古之一左七  
右七橫山倒出得了一是為二之十係拆白玉吉婦得子  
為玉七字

帝未正位行詔體謹錄其一有曰皇帝聖旨吳王令旨摠  
兵官准中書省咨敬奉令旨中有云天地祖宗之灵及將  
相之力云々後開龍鳳十二年五月二十一日本州判官

許仕傑賣到

太祖渡江時得一大橋之力免於患遂令善橋而歲祭也  
給一兵世守之以時有司主祭閱百年猶在清涼門外也

明季申酉之後不知其何如

晏公係江神不詳所自太祖渡江取張士誠風不利舟覆  
有紅袍者扶救問何來曰晏公也後巨鼉崩江岸神復化  
為漢者示以制鼉之法問何人又係晏姓太祖感之後封  
為神霄玉府都督大元帥命有司歲祀之

洪武元年司天監進元主所手製水晶宮刻漏備極机巧  
中設式木偶按時自擊鈺鼓上語侍臣此所謂作無益害

有益也。使移此心以治天下，何至滅亡。上感故元之失，因論治道。有曰：步急則殞，猛急則絕。居上豈不貴寬，而有制施之適中，庶免無獎。彼元但縱死，身已。又語宋濂：古人主每宴逸，便思神仙。夫使國治民安，心神安泰，便是神仙。他何所尚。

開國事繁，上令疏節其事。若之變，甲乙治之，數日易。或云：若之身衣且徧，洪武初擬作闈，江樓於獅子山頂，先令儒臣作記，率夸語。上曰：唐太宗繁工作，好戰闈，宮人徐克容猶上疏諫。吾廷臣唯諾，乃不如女子。遂止不作。

二年，幸鍾山，由獨崗步至淳化門，語侍臣。頃見田者，汗暑。

而○執○國○計○百○需○皆○其○所○出○朕○不○覺○惻○然○于○心○為○司○牧○者○曾○  
念○及○否○

四○年○上○語○尚○書○唐○同○三○代○而○上○治○本○於○心○三○代○而○下○治○由○  
乎○法○本○心○者○道○德○仁○義○其○用○無○窮○由○法○者○權○謀○術○數○其○勢○  
必○敗○嘗○觀○大○學○衍○義○晁○錯○謂○人○情○莫○不○欲○壽○三○王○生○之○而○  
而○不○傷○真○德○秀○釋○之○云○人○君○不○窮○兵○黷○武○所○謂○生○之○而○不○  
傷○顧○謂○侍○臣○曰○晁○錯○之○言○所○該○者○廣○真○氏○之○言○所○見○者○  
切○人○君○邇○民○莫○重○兵○刑○黷○與○濫○所○當○深○戒○  
六○年○上○謂○唐○同○声○色○之○害○甚○於○鴆○毒○不○知○遠○之○小○人○乘○間○  
納○之○于○淫○邪○前○代○以○此○敗○亡○者○不○少○况○創○業○之○君○為○後○世○

矜○夫○者○哉○定○諸○王○宮○主○歲○供○之○數○及○官○室○之○制○曰○唯○儉○養○德○惟○侈○蕩○心○

國初用人率用聘禮七年上御武樓垂意宿學宋濂以會稽郭傳進且曰彼寄跡釋氏天下奇才也他日從漁得見傳文立召侍左右備顧問傳精白乃心獻替無隱擢翰林應奉陞起居注考功丞

九年上覽宋史見封樁庫改內藏庫謂侍臣曰人主以四海為家何有公私之別太守賢主何尚如此作法至乾德開寶以來有司計糜貸償內庫是猶為高費於其家以牙籤別庫晚示真宗善保此足矣迨後世困於兵革三司耗

場內藏益慳。間稍募佐軍。便謂行其所難。豈非善始之道。或缺歟。常與侍臣論及女寵。宦官外戚。權臣藩鎮。夷狄之禍。因曰。水蠹而風折之人。虛而病乘之。吾不惑于声色。何有女寵之禍。不辜于私愛。何有外戚之禍。不假以政事。何有宦寺之禍。不為所蒙蔽。何有權臣之禍。兵賦不專。何有藩鎮之禍。武備不弛。何有夷狄之禍。凡此數事。嗣欲著書。使後世子孫。以時觀覽。隨諭大禹五聲。治飛求言切。許直言。無隱。十月。馳諭山東布政吳印曰。刑期無刑。卿言朕過。披露肝胆。為國為民。榮名不朽。

十年。上語侍臣曰。賞罰者國之大權。必以至公。乃可御世。



有功者雖踈必賞。有罪者雖親必罰。賞當功。上不為德。罰當罪。下不敢怨。如是功懲行而天下。一踰年復論札部漢高帝斬丁公而封雍齒。唐太宗黜權萬紀。賞魏徵。所謂賞一君子而人皆喜。罰一小人而人皆恨。倘或處分不當。卿等執奏。寧使賞過于罰。但不宜濫及小人。

十一年四月。以永嘉朱亮祖奏論。祭安東沭陽二縣之厲。略曰。明有礼樂。幽有鬼神。非礼之祭。神亦享書。國載有祀典者。罔歎。今據所奏。其勅罔之。尔持炬者。其主孤鬼。來吾餒歟。生離父母。妻子而死于非命。有遺恨歟。無罪遭殺而究未報歟。抑有司怠于歲祀。有過望歟。今乃告汝。惟禍其



宜○福○者○福○其○宜○福○者○勿○妄○為○民○害○干○上○天○之○怒○厲○自○是○竟○息○

史○忠○者○元○末○樂○工○也○貌○魁○梧○知○書○諳○音○律○以○恭○謹○行○其○便○習○洪○武○中○以○為○教○坊○司○奉○盞○凡○教○坊○制○度○皆○忠○所○奏○定○上○嘗○呼○老○史○不○名○仍○賜○皂○隸○四○名○曰○不○敢○與○士○夫○埒○謝○不○受○又○令○樂○工○得○給○引○商○販○忠○曰○奴○請○伶○耳○以○脩○祭○祀○侍○御○之○後○遂○走○非○便○上○可○之○

太祖視朝若舉常當胸則次日氣和平若按下則傾朝無人色矣內侍以此測其喜怒云

十四年上諭近臣曰人主儲財與百姓不同庶人藏富于

家天子藏富於天下。遂以漢武宋仁為戒。且曰：百姓不足，君孰與足？孔子言之矣。古計臣如桑弘羊、楊炎，自謂能工理財之術，殊不知取財有限，而傷民無窮。

十五年，上語學士宋訥。教天之說，後世人主或偶知之。教民之說，則鮮有知者。彼自謂崇高，民皆仰我。於是勢尊則恩易薄，要知民非元后奚戴，后非民罔與守，而亦不成其為后。何敢輕視？又謂人身之害，莫大於欲，非止男女宮室飲食服御，凡求私便于己者，皆是惟可以制之。

上嘗召儒臣侍講，每有剴切，不如諸夏章作無君亦勝講。攻乎異端，章作攻去可以己害講。聽記吾猶人章以為

唐虞之世不能不設士師。但須得人。明允其敎。可免無訟。是要使也。刑措非真無刑。

十六年上觀唐太宗帝範謂侍臣曰。此十二篇雖非帝王精微之道。然子孫克守其言。自不至女主竊柄。藩鎮驕兵。而唐祚何至遂衰。嘗與侍臣論前代脩短。諫議大夫唐鐸稱周曆最久而明之過。漢以不任權霸。上曰。此不足論。周非成康。臣非周召。何以祈天永命。而有八百之長。又謂唐鐸曰。人主好功。則貪名者進。好財。則言利者進。好術。則游談者進。好諛。則巧佞者進。大率正言務規。諫邪言務諂。近忠諛。近愛。吾好正而不為所惑。則幾矣。

十七年命礼臣遼東立學。或以邊境可不必言聖人之教。猶天也。雨露無所不施。無有揀擇。昔箕子居朝鮮。施八條之約。管寧居遼東。講詩書。陳俎豆。民皆化之。况武臣子弟居邊。鮮聞礼教。恐漸移其性。宜急造之。他日可以資用上。又以大學衍義先經後史要領分明。使人警省。今儒臣日與太子諸王講說。又語朱善人。君能以天下之好惡為好惡。則公以天下之智識為智識。明。又曰。萬事不可以耳目察。唯虛心應之。萬方不可以智力服。唯誠心待之。又曰。人之常情。常矜己能。而好言人過。君子反之。每諭大臣。凡居官者。任雖不同。咸宜盡職。昔范仲淹居官。計日所為。必与

食稱不足。次補之。當以為法。朕每事詳審後行。之尚或有  
左。一人智慮不周。全賴啓迪。容悅不言。如張禹孔光之徒。  
唯免清議。入謂侍臣。人主不宜以怠荒為無為。治天下者。  
無逸。然後可逸。朕未旦臨朝。夜臥不能安枕。常仰觀天象。  
一星失次。便尔憂惕。一事宜行。待旦即遣。尔群臣以此相  
勉。朕無憂矣。每諭武臣。閒居無事。當與儒生講求。古將成  
功立業之故。獲保全。令名幾人。又以郭英擅用臨濠。夫後  
治其私室。事露。英自引至愚。上曰。朕曲思所以保全。若等  
乃不自愛。誠愚。譬農家力田獲穡。歲常入。官吏賄敗。立致  
喪亡。求歲給不得也。又勅諭諸司。各存天理行事。若是違

天。鬼神不饒。御東閣。語贊善董倫。責難不入於昏闇。諷難動明主。人臣以道事君。毋患得失。

十八年。侍臣偶以潔。明帝為聰。明之主。上曰。獨見非明。能兼聽。始為明。上苛察。下便急。迫累昏明。不小矣。又云。漢文恭儉有之。用人尚未合道。先拜代來。宋昌張武而諸。緩以竇廣國皇后弟。恐涉私。不相。夫為天下。用人何私。何嫌。嘗論仁智。姑息不為受物。姦欺為智。徒禍身。不可儉者。祭祀與賞賚。然。噴祭濫賞。主國者尤所當慎。詔各布政司。歲脩六部官。賄露必稽。何自。凡府州縣。有犯。逆相窮。寃不赦。諭戶部。古言農桑衣食之本。棄本逐末。其弊莫收。一執耒

而百待食。一坐織。而百待衣。足乎。足食在乎。禁末作。足衣在乎。免侈用。其中。明天下。

二十年。諭侍臣。人主一心。如明鏡止水。可以照物。一絲之染。鏡塵水滓。涉嗜好。而治亂係之矣。

當諭吳況。自古得人而治。進賢納諫。為人主最要。然須公其心。則自得之。惟其知之不真。不但無補。反以致悞。又諭理財要當視國如其家。君民即父子也。子衣食不給。而父獨能稻菽乎。

二十一年。台考試官陳宗順。諭之曰。今日偶觀列子鄰子竊鈇之事。因思人疑信生于心。信心常出于忠厚。疑心多



起于偏私。隨論五性。謂小惠非仁。小節非義。足恭非礼。苛  
 察非智。諒而不貞。非信。給筆楮令諸儒撰疑信論。以廣西  
 指揮耿良科。歛激。變江西指揮戴宗入賊。賄縱虐特。為保  
 守勅。頒諸武臣。

二十二年。与侍臣論守成之道。謂車行峻坂。不仆。仆平地。  
 慎于危。而粗于安也。勅武臣不得聞民事。劉三吾侍上。以  
 西北風氣異。西須德化。北須威制。上謂帝。王一視同仁。安  
 得彼此。且君子小人。何地無之。居懷德。小人畏威。施之各  
 宜。攸當。尚書沈縉以賢者難識。不肖不易去。為憂。上曰。良  
 玉委汙泥。其色不變。賢者是也。進一以勸。百退一以懲。百



遠不肖何難。

十五年、經明行脩之士三千七百餘人見上、諭自古知人為難、今岩穴豈遂止此數人、又得單縣張寧、併徵之。是年、徵耆儒鮑恂、等至、賜坐、顧問、命為文華殿學士、恂等以老疾辭、上曰、以卿等年高、但職東宮輔導、免朝、宴入從容侍對、恂等固辭、尋賜還、十九年、諭禮部主事鄭居貞曰、古老不任政、但彼閱歷多、而見聞廣、達于事情、周于物理、可備咨詢、伏生雖老、猶足傳經、今後六十以上、七十以下、可置翰林、備顧問、四十以上、六十以下、唯諸司器使之。

二十三年、潮州府學生陳質、勾捕父戍、哀祈奉業、上曰、國

家得一力士易得一才士難。遂削其兵籍未幾復免孝子  
郝安童軍役。

上以刑部主事茹泰素所言五事惡其浮迂遂頒定式以  
示。此後應詔言事者仍多術文。左右阿上指為詆諆。上怒  
廷筮之。宗濂曰彼非有他心。不工措詞。身工引度。閔中有  
足取。乃謾罵阿者。若不能諫。乘吾意。佛以膏沃。火非景。滌  
甕使拒諫自成。

蜀平御製平西蜀文而系之以詩。曰天佑我邦師出一  
律。將忿揚。馬嘶蹄踏。盡角聲張。惟我穎侯。智勇難量。羌  
人稽首。壺漿道傍。芳我軍行。綿蕩是降。蠢爾戴壽。率衆來

當一戰披靡。拒城且藏。旬日困逼。詣軍請降。傅將功就。再  
歌瞿塘。天生虜將。與傅成雙。江風浩々。起我旌旛。泊舟連  
壘。直破瞿圍。生俘偽主。市肆無干。遣使飛捷。一刻教閱。天  
生名將。兵出農間。非朕有能。寔由天鑒。有臣在南。家居括  
蒼。生而能文。舉筆何難。謂我採擇。輔之班班。按文詞或未  
甚工。而意贖而情謙。歸功天人。如此如皇。陵碑不諱艱難。  
孝慈錄重服庶母。慈母養母。紀夢叙及入濠之故。周顛傳  
祭天眼尊等文。贈赤脚僧詩。有神憐黔首。增吾壽冊。解囊  
臨疾久瘳之句。又贈群仙詩。有曰。走廬之顛。有深谷。金仙  
弟子。叢為屋。鍊丹利濟。絕何人。朝耕白雲。暮種竹。天眼答

詩有奉天門下洪福大生靈有難不肯醫之句周顛荅詩  
有逐片俱來菴一桶浩大乾坤正此時之句

二十八年却道書之賦有曰朕知其言非存神固氣之道  
即煉丹燒藥之說朕將胥六合于壽域豈止一己之久視  
為我一受其獻諛說事來矣毋惑

國初凡軍民嫁娶喪奠所用舟輿等物沿元舊多稅于官  
上諭戶部朝廷之大計及鐵屑吾甚耻之其勿稅

上觀唐書至宦者魚朝恩恃功玩忽謂當特不令此曹典  
兵安得有此又云代宗去此曹如孤雛腐鼠斷在中心亦  
何難事此曹只充使令豈可縱處要路朕深鑒前轍自左

右服役之外。重者不遇傳命。彼無威福。豈能為患。有罪必  
罰。無赦。嘗論治道有緩急。治亂不可急。則吾益亂之。  
撫治民不可擾。則吾不使之治。又曰。人主致聰明。有法  
以天下耳目為視聽。則是非無所隱。而賢否自見。管不越  
戶牖。吾蒙者多。唐玄宗出奔。雖田夫野老皆能卜其有是  
日。至此雖悔何益。又曰。問君子于小人。教之仇。君子問小  
人于小人。教之朋。小人毀譽何足憑。吾中自辨之。又曰。天  
人無二理。人湏刻。以心為天。嘗覽古謂侍臣曰。楚莊王謀  
事而嘗有憂色。魏武侯謀事而嘗有喜色。喜於其長。憂者  
恐其有不足。矜必其志滿。而驕而佚。恐則心虛。而勤而受。

二主優劣以分嘗罷朝問尚書門克新民間事對曰民樂業矣上曰朕恐未然堯舜在上不能保天下無窮民

三十年上諭群臣人不能無過而心有公私心本公而識不到與故為之者不同君子之過雖微彰小人之過雖大必歸人主不可不察十二月上不豫勅問安廷臣朕壽七十矣非皇天眷顧安得履位如此久古語云天不與首亂朕惟無心於天下故特命之堯舜禹湯文武之世羣孽稷契伊傅周召為之臣其有志匡主一也卿等竭誠脩職副朕至懷

相傳太祖初所學未能博洽有編脩張者素好直諫敷者

山西蒲州學正從例表賀中有天下有道萬壽無疆上  
疑道字理字寓祝速問供稱一出論語一出詩經免罪又  
杭州教授徐一夔賀表有云光天之下為世作則上以疑  
付辟按大興院寺帝原不諱僧字特為改建光字何害作則  
二字音不相同帝不諱字義却明于舉賀表中何祝因開  
國尚敬聖乘訛而及此





建文逸紀

讓皇出亡自寔錄而外各小乘所載不同一云金川門開帝騎而逸在湖湘間某寺正統時八十餘矣一日巡按御史行部帝披緇陳牒從中道行坐堂下乞楮筆自供告狀某姓為懿文皇太子長子御史曰和尚真偽不可知即真將何為對曰願歸葬父母之側送京師無識之者曰內侍吳誠在乎誠至亦不識曰汝侍宴引嚮於地某殿事也誠乃大慟因迎入大內終天年一云帝自朝陽門出隱跡河南某寺適叔寺官捕索盜或云住僧知情則遷僧

衣

大書黃布某擲出捕驚

一初上自中道出就沐黔公府沐執奏獻

破事急一侍衣蟒服冕而代死帝削髮於淮清橋從

太平門乘馬出歷池州渡浙江投義門鄭氏鄭設高几坐  
之聲鐘屬禮見呼曰老佛鄭有神光閣帝為更書中和  
堂三字易之一日鄭宗老入其家廟捧神主而哭帝問故  
曰亡四歲幼孫幼孫何悲曰雖幼宗子也帝為潜然下淚  
旬日去之如餘姚石梁王氏歷温州入闈已而義門鄭以  
日產隙其鄉人直諸官鄉人無以抵迺發鄭前匿帝狀以  
中和手蹟為証先一日堂額忽無故墮地宗老警輒焚之  
及官牒取額已無據一云義門壁厨中果有帝手書被籍

時義門指為書櫃卷袂猥亂錦衣管踈置之。云遼國題  
詩有寥落西南云云論者或以感帝事而賦此王弼洲稱  
初句似竄削舊句不果真以西南二字後所指踪跡皆在  
滇黔間。云帝遜國後嘗見蜀王亦詣沐府求起兵兩皆  
不可乃止住廣西某寺或徃來蜀中。云遼國臣中有遺  
孤二人野走覓帝圖恢復潛至廣西見一老年僧騎馬入  
寺舉止不凡遂密以情告已語洩寺僧不能隱出二子坐  
妖言律帝曰以吾故殺二子是使兩忠臣無後出承無寔  
成二子于邊。驛至京。云帝居廣西山中乏食出玉帶  
令童子貿以治餐誠曰乘軒人與之值稍奢乘軒人以僅

安得此帶告邑令。因入都。太監王振以米囊塵斃。或曰。此  
執政大臣詭為此說以安人心耳。方景泰初。天子蒙塵。天  
下洶々。民間傳帝不死。當國者恐借端生變。遂云。遁者已  
歸。其寔未嘗還京也。一云。永樂中。廣西太守張文昌。瀘州  
人。得讓皇以進。太宗乃厚賜文昌。今其家尚藏永樂中手  
勅。有給諫傅某者。親見之。遂力言非正統時事。一云。雲間  
陸采確信其舅氏某宦滇南。偶至太平寺。老僧言昔建  
文帝嘗潛吾寺宿。陸因載入史餘。一云。建文帝更姓揚應  
龍。走僧拂思恩。州知州岑瑛執解京。有供狀在宦官秦某  
家。其手蹟也。供狀云。皇親朱允炆年六十四歲。耳聾疾係。

太祖高皇帝長皇孫。又云。初治天下。不得太平。戊寅年。公  
皇崩。駕允炆于闐。五月十六日。登基。管四年。天下壬午。有  
叔王金川門來。允炆從水關出。為僧三十九年。至今年老  
耳聾。難以度日。思量公皇墓在九龍紫金地上。年久無人  
祭掃。前去思恩州。借土共三十名。不想州官有護國之心。  
將允炆捉赴提府。牒送至京。允炆若不口供。難辨虛寔。供  
狀是寔。一云。建文帝攜一子。至浦江鄭氏家。後又納一妾。  
生四子。冒姓曰陳曰全。二仍朱姓。朱姓之一。讀書為庠生。  
正統中。偶發狂。自云我允炆之後。合為爾等主人。行曰縣。  
鄭氏諸生死挽之。得免。遂不苗。令之去。而帝左腋有痣。初

別鄭時、苗龍網為記、走住福州雷峰寺、三保下洋過之、泣拜於地、為之摩足、帝微囑、三保舉事、泣對不能別去、後徙廣東某寺、曾植一荔枝于庭、偶布政使有子遊寺、從者摘荔枝許、小沙彌爭之、被撻、帝曰、語若父、我曾看、願來、子駭、歸語父、乃迹之、果帝立、齧其子死、來謁、帝矍然、何至是、遂他之、云金川開門、帝倉猝不知所出、一官捧太祖遺篋、出自奉先殿、曰、曩受命、嬰大難、乃發、得楊應龍度牒一、及僧衣一、程濟曰、嗟、皇祖預為陛下地矣、可奈何、立白主錄僧溥洽為帝薙髮、及舉火、帝從水關出、外廷傳帝崩火中、濟從亡、初入蜀、旋走滇南、往來貴州諸梵刹、後聞

建庶人得釋。出自滇南。呼寺僧曰。我朱允炆也。僧駭白官。府迎至藩堂。南面趺坐地。囑請骸骨歸帝鄉。官以聞。英廟許乘傳至京。住大興隆寺。有司欲以皇禮見。則在廷無識帝者。太監吳亮昔曾入侍上。命與諸監並立帝所。帝獨瞪目亮。若忌之乎。亮惧不承。帝曰。猶記汝嚙棄齋於地。此某殿事。亮伏地。哽咽不能答。退復命。輒自經死。上乃扶帝兩向。號為老佛。以天年終。或曰。葬西山。不封。不樹。一云。今葬慶豐碑。現在。碑題六字。曰。天下法王之墓。一云。今貴州金竺長官司壁題二律。係讓皇手蹟。一云。今武定府龍隱山。有獅子巔。孤峯入雲。兩石相抱處。相傳帝嘗跌隱于此。一



云橫州南門之壽佛寺相傳帝遁居十五年樂居善者保  
禮部郎中章之父嘗徙壽佛一夕復遁南寧陳步江一寺  
中為人所覺乃出赴京一云杭州錢塘之安溪有東明寺  
相傳惠宗常潛此厠制如樓奠西山題天下大法師之墓  
一云雪菴和尚即屬葉希賢亦名希善又名暨與程濟扶  
讓皇出走住巴縣某寺一云提學黃潤王行部田州遇讓  
皇上云胡漢名訪張中寔迹我縱我入蜀一云馮文所嘗  
遊黔西永洪菴上在萬山之中其僧徒相傳讓皇潛此三  
十年尚有墨迹留存獨王守溪筆記有云卒于禁中一語與  
正統五年楊行祥事彷彿前云闔宮焚死或傳云上且云一



僧不避道。向巡方。猷流落江南。一律又似行祥。得前詩。冒  
惠廟。出者最後。史仲彬致身錄。誣詭益甚。按吳文定寬仲  
彬誌墓。未嘗及此。余有十六辯曰。帝子出走何事。而五六  
十人聞之。後此無一敗疑。一鬼門可出。水關何必復導疑。  
二。金川既啓。廷臣驚懼。不知所出。在外小臣。安敢遽入大  
內。小臣能入。而帝不能出。疑三。兵勢洶。此何時。而神樂  
道士。慘。夢中之言。蟻舟待命。疑四。且二十二人。信宿王  
昇處也。疑五。邊野亦多人。而必以為盡與帝周旋。疑六。亡  
名者。必誣之以名。疑七。仲彬家吳。上之人。無踪跡。取功名  
者。手疑八。得相聚。疑九。草誥敕亦早。此係送案。而邑丞之

但身臨史氏也。疑十既疑仲彬匿帝必大索能哂而去之。  
疑十一期襄陽胡遂弗後疑十二一再迹雲南必晤帝疑  
十三帝既目善冠蓋而萬里復走仲彬者再疑十四豈不  
聞胡濛之出又奚事天台疑十五問閩晤接無他言而瑣  
及所獻疑十六

按出止之說傳二十有三豈無一真唯傳二十有三乃  
信無一真也真則一而已矣即讓皇之謚本自遜國二  
字來此實錄之後史家不得已分例遜國以與靖難埒  
秉筆者不免說謊數百世安之却遜與讓之義猶然為出  
云作解也出云無其實則宜升毅廟之謚先為惠廟尊

稱曰烈而聽讓之一字以屬代廟似頗有合夫代廟初  
 實不讓取訛後世而確未嘗爭之于先宮中不聞一語  
 示悌迨監興安敢公言復儲則內既無防于謙為最信  
 用不聞榻前一語及私且並無馳諭多助之舉總以母  
 命祔尊及復辟後有云兄為之却好便作一謙曰讓猶  
 之為太宗作謙稱文皇夫不爭乃曰謙與尚武反曰文  
 猶彼上矣



永樂逸紀

燕王初作難苦無以為名託云欲清君側不足以勇士怒  
及西膠後凡從耿李北征陣亡士卒讓皇有詔這孩兒每  
不肯用心廝殺以致敗賊子孫勿補入伍如常以勸太宗  
借此示恩曰自古死王事未聞反以蒙罰諭俱復其父職  
死亦免其徭

靖難兵南抵江口有鈕阿卜者燕山衛卒也怯戰夜泗水  
至南岸欲遁還吳過遜國糧舡駕舡者率老弱阿卜乃大  
言燕兵百萬至矣恐被執作桐帽倖脫老弱震問如何遂  
曰從吾言可得生否無噍類矣乃駕舟北迎敵金川門開

擢阿卜指揮使

燕王舉兵諸宦侍勸北兵直搗京師遂以得國功之所由  
勢遂不能抑制于是各差襍見先是洪武中不任中官又  
建文初諸理學家持不近刑人義太過此輩無由得志遂  
消息燕積之不收不二三傳國柄下移不可挽

永樂元年四月諭中外文武群臣治國必審用人或取諸  
三國或錄自仇讎唐太宗用王魏房杜可鑒也尔文武皆  
皇考舊臣何嫌疑之有其各共乃職

通政使趙彛引奏山東男子獻陳圖者上曰自古用兵出不  
得已今宜休養斯民修禮樂興教化為久安長治計此輩狂

妄希進用。急逐之。承天門遺木牌有寶鈔提舉司五字。無姓名條列。本司不法。數事上曰。此小人假公法。根私怨。毀之。今遂有此。勿問。

二年。諭侍臣。吾用一人。退一人。必使天下知之。所關勸懲者大。頒詔外國。八人行二日。吳給事孫璘密奏。八人素非誠實。上曰。既去。迺言。前胡結舌。是在人主用之。何如。叔孫通在秦則偽。在漢則誠。裴矩在隋則佞。在唐則忠。非兩人也。尔所言慎。勿泄。會解縉等呈大學正心章講義。上諭好。泉最能害治人君。但于宮室居處衣食玩好。無所增加。天下自然無事。又語縉。朕可否庶務。或有失中。尔等宜直言。



無隱自古敢為之臣易求敢言之臣難所以王魏之風世不多見

殿試李衡以曾榮榜進士自陳洪武中父死於法不當違令干進上曰古聖人亦有罪其父而用其子者但能改父行可以蓋愆朕不尔罪邊衛軍士凡犯流徒慮有棄難場故犯以希他徙者詔止許從法科斷仍留原衛戍守十二月却介休民所獻五色石曰此小人俸進也數年民困未復寧溲以此官府求一物則百姓受一害况此石饑不可食寒不可衣須之何為

三年上諭吏部審義銓選之職但當據理不當任情理以是



非為准情以從違為工。曰用人用所長才優者使治事。德厚者使牧民。有才不必皆君子。有德定不為小人。慎之。四年御左順門早朝畢召六部堂上及近臣諭曰。比事多。午後稍暇。卿等從容陳論。朕亦有所就高。偶論及壽歿曰。此只勉其在己者以聽天。顏子令名無窮。豈不是壽間語。胡廣為學不可不知易。曰在變通而不失其正。學士武周。文初藩府臣論易尚有拘滯處。宜虛心以玩之。終有得力。五年上與廷臣參酌政事。不覺語煩坐久。或以養氣為言。上曰。簡默非不善。但天下之大。利害所關。言之不能不盡。且不如。此不足以盡群情。

六年封海神靈惠夫人林氏。從民間訛傳也。所在既立廟。許海行者得以時祭祀。稱天妃。其祠於京師者。以先皇帝配享。

七年上行在北平。以冬氣嚴凝。群臣奏事。久立不堪。始定常朝。御奉天門。行叩頭禮。畢移御右順門內便殿。以次入。奏事。其朔望朝如常儀。許十一月之朔必行。後弘治初尚書王恕請曰。御便殿。謂正統以來。每日止一朝。片時恭對。未悉机務。必遵永樂七年之例為可。

上以皇太孫有大畧。令講讀之暇。兼通武事。諭兵部尚書金忠。選民間子弟勇健有材藝者。充太孫隨從。太孫演武于方。

山○以○侍○郎○儀○智○老○成○正○大○直○言○不○阿○令○侍○太○孫○講○讀○十○二○年○令○太○孫○隨○征○尾○刺○使○習○行○陣○諸○將○士○勞○苦○

十○三○年○貴○州○布○政○使○蔣○廷○瓚○言○去○年○北○征○詔○至○思○南○婺○川

縣○大○嚴○山○有○聲○連○呼○萬○歲○者○三○禮○臣○率○群○臣○稱○賀○上○曰○高

呼○山○谷○空○虛○相○應○理○或○有○之○廷○瓚○既○以○此○阿○朕○大○臣○不○能

正○其○非○且○勸○媚○乎

十○四○年○壽○星○連○見○禮○臣○請○表○賀○上○曰○政○平○訟○理○國○家○清○明○始

可○稱○賀○冬○禮○臣○又○以○金○水○河○太○液○池○冰○凝○具○樓閣○龍○鳳○花○卉

諸○狀○請○賀○不○許

羅○海○子○及○西○湖○巡○視○官○水○自○房○山○注○海○子○徑○皇○城○凡○三○十○里

白禁明... 既至是祀禁輟巡視與民共之

禮部祠祭司部中周訥請封禪刻石紀功呂震贊之上曰  
今天下雖無水旱疾疫間有郡縣上奏便暢然于中且  
聖經不言封禪汝欲朕為之手

十五年八月甌寧人獻金丹及方書于行在上曰秦皇漢  
武為方士所欺乃又欲欺朕金丹令自食之其速燬方書  
毋惑人

十六年禮臣震以糴縣民獻玄兔請賀不許

十七年諭武臣國家盛衰存亡未有不係於武備之張弛  
宗與勝國強弩之末可為敬鑒汝等爵祿與國家休息而

比來紀律廢弛。隊伍空虛。軍士逃亡。悉付不問。甚至通同有司受賄賣放。一有緩急。何以應調。廢職悞國不小。

令郡縣考滿至京。選其諳達治體者。始于六科辦事。各言所治利弊。仍着禮部尚書審義。等誠之曰。於今不言他人言之安。所逃罪。戶部人材高文雅。言率直。陳瑛請罪。之上曰。草野不知忌諱。苟有可裨。勿廢。

二十一年。禮臣震同胡濙進瑞光圖。且言太嶽大智神光。及柳梅灵芝之瑞。請賀。不許。

二十二年。中軍都督府咨送習吏事監生七人于禮部。上曰。吏事末也。誠窮經博古。達于脩己治人之道。于吏事何難。令



洪熙逸紀

仁廟為太子時好學尊儒嘗致書贊善王好古有云今晨  
覽卿為余所改之詩真有益于日新但卿疾未瘳未及存  
問日見擾煩豈上古優待高年之体乎憂卿年邁余為學  
有日似卿朴古若口者百無一二趁卿康健弼我洪業併  
望藥石之言嘗侍文皇御座問講何書答曰論語和同章  
上問自古君子難進易退小人則否奈何對曰小人矜和  
便無恥君子無欲自守通然則何以小人之勢嘗勝對曰  
明主在上彼常勝者不勝矣彼小人必無倖用之日乎對  
曰小人之如豈能盡廢須時警飭之不使有過上喜語



黃淮楊士奇等其勳輔之賜聖學心法及務本之訓。

洪熙元年上以災異屢見進言者寡嚴諭文武曰比因大  
理少卿弋謙所奏過於矯激朕一時不憚迺群臣迎合朕  
意交章責其賣直請置諸法朕但免謙朝恭自是以來言  
者緘口朕於謙不即含容方負愧咎爾諸臣何遂以盡言  
為戒今後各宜塞諤庶幾君臣相與之義隨令謙朝恭如  
故更勉時會冬至賜贖善王好古以詩有曰清朝盛文治  
輔德資儒者念子筋力倦趨朝諒非宜賦詩有佳致納諫  
多良規起予得深趣懷懼若無沮新陽屆初復况此澄平  
時酬勞貺尊酒庶以介期頤



以鄭府審理俞建輔言。遂諭禮部。各省鄉試。令有司体訪。必通今博古。行止端詳者。許令入試。所試手為標疏。議論切實者。方為中式。戲語諸臣。使朕應舉可算一狀元。天子監國時。被譖。每語楊士奇。天可欺手。賴至尊聖明。猶得至此。既而曰。吾盡吾子職而已。方視朝。見楊士奇入。語左右。新華蓋來。必有說。試共聽之。士奇奏。恩詔甫下。迺見惜薪司傳旨。山東棗課八十餘萬。為宮中香炭之用。民何以堪。上曰。朕煩劇中。隨手應之。不暇致審。其減半行。



宣德逸紀

帝為太孫時。太宗營天壽山。或去步輦。徒步仁。而體肥。有足疾。隨行屢蹶。內侍扶之。諫王高煦曰。前人失脚。後人把滑。太孫曰。只怕還有後人把滑。語近机鋒。帝有睿才。書藝風雅。光大愷惻。允哉太平天子之言。旨與豪舉。雖內侍小臣。不嫌倡和。間為微行。或稱為英國公家使。或稱較尉。聞鷄走馬。圓情踴首。往涉畧。尤愛促織。亦參馴鶴。萬姓頗為風俗。稍漸華靡。然此其餘才。性明斷。不廢政事。時有常中孚者。出身微初。為巡檢。自言得異術。能煮金。凡寶玉器。有損能補之。因幸人以進。輒驗之。報授吏。

部郎中之秩

宣德元年、天氣何炎、上向侍臣誦鼎彘中鋤木日當午之詩、且曰、朕八九歲時、寫做是詩、呈考臨視、曰、鮮否、朕以稼穡艱難、对白呈考喜、今官車不復矣、掩淚移刺。

尚書鑒義稱漢光武、不以吏事責三公、上曰、功臣概置、不用、此亦過矣、擇其德望才幹者、分掌五府、可否、悉決於朝廷、為得之、又以銓政不良、有云一事得人、一事理、一邑得人、一邑安、推之庶政、達之天下、無二致也、以言貌求其虛蘊、蓋難。

上以懷柔知縣印原亨奏、自黃花鎮至紅螺山、去天壽山

速盡弛。樵採之禁。以便輸官柴炭。因曰。材木易竭。勿傷其  
本。可常資用。

釋義勇衛軍閥群兒等死罪。初。群兒妻毛氏有淫行。李宣  
告群兒掠其妻毒。毛恨誣首其夫。与宣等九人爲盜。御史  
按群兒宣等大辟。給事中李庸以聞。覆勘被盜之日。群兒  
適他事有據。上諭左都劉現曰。昔隋煬帝同日決二千餘  
內六七百人坐誣服。豈不寃地下。其戒約諸道勿怠。

二年。策試中式于奉天門。上諭儒士取于鄉。素有定論。朝  
廷復辨其官才。貴乎寔濟。唐虞之世。亦嘗敷奏以言。但負寔學  
者。言多剴切。無真見者。語多浮靡。全在激勵成就之。又御

門與侍臣語大計。謂宋之兵力足以混一。而燕薊終不復歸中國。何也。侍臣對曰。昔石晉以閩南諸郡賂契丹。幾孤以東重閩樓。為胡鹵所有。宋無險可據。用兵誠為不易。上曰。進取無可乘。長如開寶淳化之時。練兵以備。亦是輩其門戶。何熙寧以至宣和。小人酷用事。并中原棄之。

臨晉舉學生員入學。甫五閱月。御史考藝充吏。上曰。人雖上智。安能五月有成。且年未成童。豈堪吏事。職官考績。黜陟亦待九年。何不近人情如此。眾劾御史。而遂此生于學。雲南奏新興等場煎辦銀課。其礦夫初令大理衛軍士充之。繼取征交趾。又于各衛撥補。詔以屯守為急。罷之。

工部尚書吳中奏製造御用物料請買于民間上曰漢文服御帷帳無文綉史稱恭儉朕飲食器用當從朴素就庫藏所需足矣

三年上閱皇明祖訓謂侍臣自古創業難守成不易是編歷六年始成所謂創業而裕守成之計子孫奉此豈有過舉然亦賴卿等輔書云監於先王成憲其永無愆亦古昔賢臣之以告其君者也

四年寧王權奏祖訓分藩但以親、次弟、無有品級又靖江王府將軍與諸王同班不論品級異姓相見行君臣禮上復書大畧謂鎮國將軍以下遍有品級靖江世子與郡



王公候文武相見禮儀或答拜或坐受道過或讓右或控  
馬側立各隨品如所云行君臣之禮是教亂也往者送照  
有所長指反被執以洪武諸司執掌示之悔已遲矣予以  
示文武大臣咸謂來諭徒此為名耳  
不願王先之

時有獻歷代紀年圖者上覽之歎曰唐之後不五十年天  
下五易生民之禍極矣國家創業垂統貴以仁孝為根本  
不然周世宗英武可危長世而不能者禍卒缺也因以漢  
唐傳世為証

大通關提舉司吏文中負俊才能自為風氣得罪後詣關



自陳臣中廣東儋州昌化縣人永樂二十一年鄉試中式  
病未及會試繼丁母憂乃以違限充吏伏望聖恩於念上  
令覆試得預禮部下科

免宣府十七衛軍士歲辦柴炭初都督府所供柴炭後  
及邊軍上以陽武薛祿言至九年盡行禁止

上覽史至傅卜之事太息曰居臣相遇豈偶然乎水流濕  
火就燥感應之理固然由人主寤寐良弼之切不然藻  
文以夢得鄧通光武以識用王梁亦豈無誤摠之善心生  
則明慾心生則闇武帝以田千秋為賢玄宗以李林甫為  
賢其知人處未講也

襄城伯李隆獻駟虞二出滁州素賈黑文上引太宗之言  
為法且曰禎祥之興必有寔德庶幾副之朕薄德勿勝免  
賀

居齋宮諭楊溥朕最諛詞直言無隱是所賴也

五年侍臣言漢高祖大度唐太宗英武宋太祖仁厚可頌  
頌上曰唐宋開國權力襲取而太宗慚德尤多漢與我明  
起布衣漢禮制缺畧明以文教為先成功文章遠過於漢  
嘗論商周似乎遂取契敷五教稷播五穀功德非常後世  
宜享其報至於長世則在後人順守之又論省官欲以唐  
太宗所定七百三十員為法曰清心去乃省事者事可省官

上嘗謁陵還昌平東郊逢見農者以數騎往視之下馬從容備詢稼穡之事因取其所乘耒三推之耕者初不知為天子中官露之咸驚伏泥中拜上顧侍臣朕三推力不勝况終歲此乎人賜鈔六十錠已所經悉賜鈔八月日當食兩不見禮部請表賀上不許曰君子之過如日月之食京師不見四方必有者天可欺乎尚圖備省達我不造上以光祿寺官竊感外爨供給令刑部施嚴治之且曰勿謂飲食細故不關大體昔華元殺羊享士羊斟不與遂致喪師勾踐投醪于江與眾共飲及乾餼之故所保非小七年上語侍臣人才遭際為難漢唐初造如三老董

秦山道士徐洪客不見用。而蕭曹房杜未必間世之才。却藉以成功。上行邊登萬壽山。廣寒殿數日。茲山茲宇。元順帝宴遊之所。果能如其世祖知人善任。仁宗之恭儉勤率。何至為吾祖宗所有。嘗觀宋史。謂宋之君。誠失之弱。當時將帥雖才。亦不得展。大抵小人扼之。武事何由足展。

隆慶勳指揮同知袁泰等奏。李景堪任李  
衛指揮使。上。可。曰。唐自中葉。威權不振。河北將帥皆  
由軍中而立。此輩且欲效之乎。泰聞之慄。

上與學士楊漣論得人。漣對。廣延攬精。攷課諸法。上曰。  
此尚非卒論。夫濁其源。何以清其流。必勤學校。董以師儒。

然後服官。庶几無負。

附記。上御製廣寒殿記有云。萬歲山在宮城西北。陽北枕  
居庸。東挹滄澗。西挾太行。嵩岱並立乎南。大河橫帶於中。  
俯視江淮。一目無際。寰中之勝。聚莫加于此。因述文皇帝  
明諭云。建文嗣位。信用奸回。戕劉宗室。茲城孤立。一髮引  
千鈞矣。賴天地祖宗之佑。安其危。而存其覆。汝將來有國  
家。天下之任。近思吾言。遠不忘聖賢之明訓。詩有賜夏元  
吉。賜張本。賜胡濙。賜馬麟。賜徐升拱。賜楊榮。賜孫忠者。過  
史館有云。蕩之克光。四海魏之舜德。重華祖考。萬年垂紀。  
乾坤六合為家。其餘每題錄採佳句。花朝詩有云。葱之佳。

氣藹山河大地無塵海不波。以時三農皆舉趾。東阡南陌  
鷄鳴起。丁男把耒婦女饁。齊力欲教田畷喜。重陽敬全錄。  
歌曰。初霜授衣。鴻鴈南飛。長河水清直見底。雲靜四山開。  
翠微轉。照韶華。屬重九。風落梧桐。到楊柳。家之歡聚賞佳  
辰。彈箏擊鼓傳芳酒。時菊紛開五色奇。紫蔓香壓珊瑚枝。  
摘萸把菊各相况。長共今年今日期。深居九重之民事。樂  
民之樂同民意。却憶去年此日正秋高。左仗黃鉞右白旄。  
東巡邊陲斬逆虜。東縛醜類如猿獠。搜剔巢穴無遁逃。倒  
挽銀河洗腥臊。成武功。班師旅。六軍意氣凱歌盈。路即今  
戢戈秦矢天下寧。纖塵不驚八極清。况值年豐百穀成。西

登瓊島一長眺。胸襟宇宙同高明。世傳鷓菊令人壽。太液  
應當釀為酒。滿泛黃花作耐上。奉聖母齊天萬年下。飲  
臣民共悠久。招隱詩略曰。吾觀天地化育功。四序五行  
任之。軒轅堯舜致熙皞。亦有六相兼臯夔。君臣師濟自往  
古。大廈豈是一木支。長林大澤高丘巨壑。豈無懷抱才德  
者。蓬散幽閒樂其樂。天之生才將有為。豈使獨善而無施。  
彼不輕施。吾將致之。屢下求賢詔。明珠寧無遺。中夜有懷  
起待旦。勞心咨求忘日晏。嗟爾賢人。何勞空答有莘幡。然  
起畎畝。傳巖何雲終版築。磻溪白首還鷹揚。卧龍亦復興  
南陽。歲早人間望霖雨。大川利涉如舟航。黃金如山築高



臺待爾為詠。薑與萊母為令。我悵望思。唯裁春望。有宇宙  
無窮生意。在山川滿目。照人清之句。上林春色。有物意皆  
含春意。天心允合。吾心之句。喜雲歌略曰。大地平鋪。皆一  
色光輝。未數瓊瑤白。四山蒼翠。不可尋。但見凌虛。聳銀壁。  
嗟余菲德。居九五。變理功能。寄承輔。舉觴借粟。拜休祥。永  
念皇天與皇祖。祖德詩。始于淳皇。以及太祖。皇祖。皇考。叙  
述為詩九章。以詔後世。猶蘭操有序。操曰。蘭生幽谷。兮擘  
其芳。賢人在野。兮其道輝光。嗟蘭茂兮。衆草為伍。嗚呼  
賢人兮。汝其予輔。又山水圖歌。送長春真人劉洲然者。序  
云。事歷四朝。闡金元之妙。著感通之理。朕重其去也。因取



孔子仁知壽樂之旨。援筆作山水圖賜之。而題詩其端。寓  
所以賡厚老成意。萬歲山丹桂。秋芳歌全錄。歌曰。秋。涵。太  
液。玻。黎。碧。倒。影。空。明。秋。一。色。梧。桐。楊。柳。欲。迎。霜。紅。歛。芙。蓉  
誓不芳。萬歲山前萬樹桂。聳特凌虛出烟霧。連卷夫矯勝  
虬龍。翠蓋蒼帷。藹紛布。開花又妙如黃金。綴粟攢珠。絕晨  
露。雲消六合。澄無際。但覺天風滿大地。夜中晏坐。廣寒宮  
俯視山河。遷人世。舉酒酬姮娥。今宵玉鑑。何嗟峨。喜聖歌  
又云。萬幾之暇。坐九重。豈不自足。鮮與穠。一念所重。存瘵  
痼。荷戈披甲。防虜戎。况復懷此為忡。惟時預兆。年歲豐  
滋潤。牟麥消螟螽。騰歡溢喜。畎畝農皇。寶命承昊穹。明

大統紹祖宗。碩慚菲薄。恒省躬。夙夜兢業。持寅恭。在廷  
 文武。卿與公。協勤匡翼。燮理功相與。共醉樂時雍。早朝詩  
 全錄。曉月流輝。始袞衣。九重曙色尚熹微。禁鐘絕。啓群仙  
 集韶樂。初鳴彩鳳儀。柳外祥飈隨。雨蓋花梢香霧護。龍旂  
 鷄鳴。美詠傳千古。誰羨陽和者。稀上林冬暖。全錄蓬島雪  
 融瓊液。瑤池水泛冰漸曉。日初臨。東閣梅花開遍。南枝其  
 他賞菊詩。除夕詞。玉樓春。玉替花賦。西山晴雪詞。脫布衫  
 帶玉樓春。梧桐秋雨吟。辛史館重陽詩。四景綠竹引。大哉  
 皇言無不寓。敬天勤民至意。三百篇未必皆出天子腕。下  
 以列諸雅。豈有遜焉。

正統天順逸紀

正統十年登科錄改天為茂字。于是景泰中內閣謝表嘗以管窺蠡測海代天字。本于北朝周宣帝自稱天元皇。不許人有天高上天之稱。又宋宣和中丞相蔡京用給事中趙敏等奏。凡世俗有以天字為名稱者悉皆禁革。諸臣方天任改大任。方天若改元若。甚至承天寺亦改仁能寺。遂至正德中郎中方天兩叅議倪天民御史劉天和俱刪腰名。內外紛。明年劉瑾伏誅。禁弛。三殿初成上御正殿受賀。鴻臚官誤贊五拜。糾儀叢之上。曰今日吉期少拜不可。多亦有餘何不可。竟不問。

劉太卿祭嘗言英廟得返駕更自有由具述也先之母係  
蘇州人被擄也先之父嬖之生也先土木之難幾且不免  
母謂也先吾故君也以臣執君不義跪且泣以請也先遂  
從之按祭在內閣掌誥勅四十餘年豈無因作此大謊存  
攻  
設西廡初以審鞠妖尼之故遂專任汪墳察奸百戶韋英  
為盾鷹犬恣甚御史黃本被撻左都御史李寔與韋英結  
為父子文官被窘辱無算于是尚書以下人自危內閣  
商輅等與六部同日疏質年幼不識世務及韋英奸惡上  
即日革去西廡

土木之變。傳國寶璽已失。天順初。李來近邊。石亨請襲取之。李文達賢以為重。係秦皇所造。李斯所篆。亡國之物。不足貴。勿輕動兵。帝曰然。遂出賞安之。

上每日五更二點起齋。索具服拜天畢。省奏章。部決訖。復具服詣奉先殿行禮畢。視朝。退至文華殿。命大臣訪問商確。復省章。奏訖。回宮。進膳後。從容游息。至申初。復閱章奏。暇則听內政。至晚而休。若母后處。每日一朝。或以兩日。寒暑五日一朝。左右問上。奏章何必親覽。閣擬亦可省得。又云。至尊過勞。亦可稍息上。不然之。定規。暑刻不修。且曰。怠荒之害。雖悔莫追。

皇親會昌侯弟顯宗犯法。上曰：法之不行，自上犯之。姑免顯宗，以家人抵。侯為弟乞恩，不允。禮部郎中李和跪一釋子通權，貴求為侍郎。上以李賢王朝言，必不許。又曰：景泰中，凡用人，今日陞官，明日逆行，非例。夫文武遷轉，未嘗接言。上、下之情不通，安能綜理。

上因奪門諸人，不便各邊巡撫，姑盡去。久悟不便之故，立補都御史各邊之缺。時任用大臣，無不布文達細，酌可行。上召處士吳與弼曰：朕顧問文華殿，以重之。擬以左諭德之銜，而弼初見，不能對，但稱病不受官。上再留之，賜文幣羊酒館之，復加溫諭。而弼以「伊傳」二字在勅，戰不能勝辭。

益力。李賢曰：三辭不允，亦宜姑受，以答朝廷至意。上復傳諭，與弼受職後，亦不相拘，听其自在。秋涼欲歸，朕不固留，祿其終身，不亦可乎？終不就。下賢之札，自國初，禮聘秦元之等，至此再見，惜弼所學，謗鄙徒負盛典，絕後世徵聘之寔，用悉本此。

上于章奏，若左右干預，無如何，私召賢商之，勸以獨斷。上曰：朕獨斷，不如所請，率形辭色，惟鄉執沮之，彼必奪於公。議賢曰：臣若府怨，是激之也。陛下灼知不可，大都不行，漸可以已。

時官校輕出害人，語文達，今後非大故重事，不遣鷹坊司。



內臣奏乞採獵。上不許。因請上曰。即出不許。擾害州縣。朕遣人密訪。勿自取戾。內臣以上言。徒恐之也。每入境。有司惧其威。斂之于民。聚禽而獻之。復命。上果訪得寔數。各杖而黜之。

上嘗語大臣。朕親政。專勤。進膳。隨分。未嘗揀擇。去取衣服亦多。隨宜。雖著布衣。人不以為非。天子也。又曰。如鐘鼓司。承應。除特節。奉母后外。亦不輕舉。閒則看書。或觀射。又曰。朕雖極暑。曾不揮扇。即宮中。亦不令人職此。雖極寒。近火。亦不披煖耳。且防眼熱。

景泰逸紀

景泰元年勅定迎太上皇禮儀。一禮部堂上官一員、龍虎  
臺迎接。一錦衣衛堂上官一員、帶領官校執丹陛駕、并抬  
輦轎居庸關迎接。一光祿寺差抬酒飯至龍虎臺及清河  
二處迎接。一各衙門官至上城門外迎接。行叩頭禮。一總  
督并各營總兵官俱於較場門口迎接。行叩頭禮。太上從  
安定至東安門外。于東上北門南面坐。皇帝出見畢。文武  
百官行五拜三叩禮。畢。太上由東上南門入南城大內。嗣  
奉旨居庸關裏接用轎一乘、馬一疋、丹陛駕只於安定門  
裏接。諸臣于奉天門面奏。據唐玄宗、宋武例。上皇至咸陽

法駕迎望賢樓。上皇在宮南樓。肅宗紫袍望樓下馬趨進。拜舞於樓下。上皇下樓抱帝泣。解黃袍自為肅宗着之。肅宗伏地頓首固辭。上皇曰：「天數人心皆歸於汝，毋辭。」肅宗乃受。此良規，宜效。若迎駕安定門，失太簡，使外彛無所覘。瞻亦恐宗室不無輕忽。大札缺遺，輿情訛議，特請重定禮儀。奉旨：「鹵情請詠，未全憑信，恐以大札奉迎，或墮賊計，但得大兄入城，親尊讓之禮。朕自處置。」東安門朕先行叩頭禮，隨至南城便殿。太上并座，朕行禮畢，文武官員以次行禮。况薰太上傳言迎接，尤須簡略，悉遵朕命，再不許紛更。

成化逸紀

成化四年。午朝。吏部九卿李惠等俱失期。職名待罪。上曰。尔等常勤政勉朕。茲奈何。羣息。衆憲大譴。曰。既引罪。宥之。十三年。雲南巡撫王恕以駕帖不行。聞。具疏。時。軍丁盧安等逸外。藝脫還。詔刑部郎中鍾蕃。綿衣白戶宗。繼。即。叙。忽。百戶汪清。復齋。駕帖行事。按例。駕帖下有司禮監印信。該科掛號。各門照出。恕以駕帖不合例。又錢能等交通外國。攪擾夷方之事。兵部奏。稱。方在會同。不敢。狐疑。奉行。詔。下。所司。究之。上性仁愛。偶刑官錄。因歲上。贖。工。覽之。雖當。惟。宴時。必為。動。答。或。為。慶者。以手抵。續。之。便。与。法。司。說。如。

纒之無妨

時內臣用事張甚南給事王禕等率同官上書言五事其  
五保全內口如王振由善祥事敗雖欲呵獲之不可得也近者  
大臣致行叩頭之礼或尊約父之稱因而嚮微賣官擅作  
威福今後內臣不許管軍管面置立田宅其家人義子悉  
令發回原籍仍嚴交結之禁凡大小政事與諸閹大臣計儀  
漸自宸衷俾宦者獲享之長之福上嘉可不施行

二十一年九卿大僚以災異各陳急政吏科給事甲李  
俊等直指近侍干犯大臣不職令一監添設一二十員或  
一事參內官五六七輩以及分布藩郡總領邊疆撥行

險邪。投獻奇巧。如梁芳、陳喜、李興輩。大臣如嚴嵩、張鵬、艾福、杜銘、李本、劉俊、張瑩、田景暘、張璠、尹直、李瀛輩。或老懦無為。或清論不愜。而方士通流如李汝者。鄂常息。桂曉輩。尤中外所切齒。有旨。梁芳三人。姑已之。嚴嵩等。俯首泣者。常息降職。桂曉為民。御史汪奎。以上意未決。復疏。桂曉密結梁芳。乞罷罪芳。追奪桂曉度牒。斬首西市。以謝天下。且言。亡命負販之徒。工藝方術之輩。通行傳奉。至通政太常。鴻臚。錦衣。中書。文思。書官。太監。願恒。有何勳勞。而其姪五顧。濫授錦衣。李汝。首務事之。吏也。有何才能。而擅要通政。宜令所司。究革。以杜冗濫。奉旨。各。誤。事。官。不。究。桂曉。齎。度牒。追。取。繳。進。

上視朝有男子行東闕門端呼御史于壁剗規等執之以劾詔  
送錦衣衛已而坐壁規擅執謂當科奏令守衛官軍奉旨拘錄  
此必守衛借以誦責上不為察且待奏男子區無可述也

上於宮北建祠奉祀玉皇取用礼服祭器樂舞一依祀祀製  
造更製樂章令內臣習之大學士商輅等奏罷之

晉府嫡長子奇渚奏乞存留先王時私自學身二人在府任  
使上不許即以其人送京仍通行各王府及兩京公侯駙馬伯  
家凡有華身男子即送京毋隱違者罪之六年

和勇述北人永樂中祖和寧王款復叛宣德中為瓦臘脫款  
所殺至子阿卜只至寤侵佛命授都督勇襲指揮使以塞外積



功。歷左都督。成化十年封靖安伯。食祿中府。弗提衛都督。祭阿奴奏進海東青。上曰。此等野禽。易令人滿心。改獵。有司其即却之。自是免遼東人參及藥材五味。子都御史有奏。上曰。建州女直。頻年入寇。民不聊生。且多被掠。如奏事寧之日。例行。

卷之四

奏上曰臣聞古之賦事入類天不惟主且多賦詩以奏事

臣其喉味也目是矣聖人承其業林正和之借樹文臣

奏所地本也世身膏土曰以帝唯論論論論論論論論論

如皇古德積效外十平話能來前育蘇中而最其謝德皆

弘治逸紀

孝廟登極之時，有掌酒內侍，適携弄兒入禁，俄傳帝至，惧  
俸。投之酒甕，糜死。為同輩所訐，或以初踐祚乞恩，帝必誅  
之。上少育仁壽宮，奉王太后謹。一日，上方憐而召方起，太后  
勅門者勿入，上跪謝，繼之以泣。良久，免視膳。勤。太后戒進  
溫辭加餐，久弗弛。

坤寧宮灾，親扶太皇太后避便殿。太皇崩，宮中行三年喪。  
日不去經帶，痛生母，妃無辜被鳩，每歲建齋醮，未嘗不  
泣。下間號失聲。

太監王禮求廣東採珠之命。上不可。因中官借外戚金夫  
人而重之。旨皇后苦請。上出藏珠賜后。誠禮再犯。不赦矣。  
庚申六月。西安郵縣道安里一車士毛志學。偶于泥水河  
得玉璽。方圓一尺四寸。文曰。受命于天。既壽永昌。巡撫熊  
紳以獻。以上不好夸弗賀。

初。憲廟愛松江所造大紅細布。蓋名布。寔細絨為之者。工  
繁。歲額千疋。帝在東宮。曰。此布疋。數文錦。不以易謝。不御  
及正位。草勿上。  
會重陽。上口占半聯索對。曰。今朝重九九。重又過一重。陽  
卒不得其偶。

上恩閣寺專權。意令各邊分派糧草。俾有專任。授簡吏部尚書屠瀟填奏。瀟不能承。上親定之。戶部侍郎統千里。叅政都指揮各統數百里。自大同宣府抵寧夏。溪山險阻。某處宜搭木乘渡。某處宜作梯飛輓。睿筭井井如在目中。上勤政。每日晨朝。遇雨乃免。諭有事衙門堂上官由廊無升奉天門奏事。或趨滑地。不問奏本或差錯。一二字不必糾彈。經筵講官失儀。尤加寬慰。

上召都御史等問外事。都令巡按御史勘報。彼衙門權重。任喜怒。顛倒是非。將奈何。今後務揀老成有識量者。毋輕用新進之人。傳與各御史知道。

大學士劉健曾薦現任副都劉宇。上不答。健恐上聽不真，復高聲言之。上竟不答。他日，語劉大夏戴珊，劉健儘可與計事。但其門下人太褻，不言其人。隱指宇也。宇稍自歎。後于正德初，大堯朝政始服。上知人。他日，工部尚書李其晚近侍，曲行譽上。兵部劉大夏語及大夏，不答。復大聲大夏復不答。上曰：朕知之未真也。或云可用故耳。司札監陳寬奉命揀選坐營內官。上令劉大夏預。非例。上曰：若慮他日中害，朕在何妨。適太監岑瑋者恃寵不欲預選。上鎖之矣。乃諭大夏，倘岑瑋不至，為按以法。大夏曰：聞已有旨。朕語未嘗傳出。楠本何謂有旨及期。瑋果不至。大夏而寬合。

奏璋急事。內批本當拏問。姑饒這遭。璋懼。

上嘗召大臣幄中。問諸教政。俱已裁定。然未有及內府事者。上曰。內府事獨苑馬光祿。須朕親理。因命科道官及之。令侍郎以下。往清二寺。裁減浪費。每寺月省十餘萬。又曰。天下有司。不得其人。所議行。皆文具。無實濟。須令吏部擇之於先。巡按御史核之於後。必得其人。人受其福。而後可。七年。海南彛有輸米其國。而舟覆者。舟中零活。漂至依都。海中地名為巡海官軍所獲。以聞。上令給衣糧。館伴遼東。示以歸路。彛以嚴命。不敢歸。詔令通事二人送之。仍敕其國王。原其過。風不致深督。



內監虫蟻房虎豹犀象各有職秩有品料如虎之將軍象  
之指揮等本於唐昭宗或衣猴以緋隨班行礼名曰孫供  
奉又齊汝主馬犬承應有儀同郡公等號孝廟諒陰節冗  
恐縱異物傷人但令絕食自斃可縱者縱之

后家張氏橫侵民田上令司札葛敬及大理官往勘不直  
張氏敬復命后大怒上亦怫怒佐后輒微語敬勿外露后  
意出帑金百金賜勘官曰朕驚

進士潘鐸有疏久不下鐸虞不測忽宣鐸將善諭之鐸惧  
稱病同官為代鐸具奏上曰鐸疏字樣多錯係不敬朕若  
批回詔恐挫其銳可傳示之

嘗作文華殿。召閣臣往。得劉健。李東陽。謝遷。許公。議批  
詞。乃以次陳奏。上或更定。二。三。字。或刪去。一。二。句。批畢。後  
行。東陽謂自天順以來。三十餘年間。堂官內閣。垂問不過  
一二語。如此始稱吁咈。前未有以尚書入閣者。自丘濬始。  
十三年。大學士劉健等奏視朝。散歸。夜至昏黑。如是稽息。  
恐四奏朝覲。無所觀瞻。庶政文移。或致虛閣。况今各選啓  
黨。四方荐災。尤宜省惕。上大嘉可。日。奏事。二次。特勅。平臺  
之名。自為始。

十六年。台劾大夏。以事不可。欲與高確。恐非御部。為事不便。  
許歸。以揭帖塞進。大夏力言。請獎。上輒已之。

刑部尚書閔珪。激重獄。忤旨。久名下。已別。大夏對便殿。稱

珪無他。上問古何。大臣如此。大夏引孟子臬陶執之以法。

上鎮之。明日。乞珪。兩擬。大夏案奏內臣事。乞。故起。不。能。上

令司礼李榮。扶掖出。榮每。上。稱。大夏。曰。与。君。踪。跡。殊

何。有。過。愛。榮。曰。公。當。朝。第一。人。誰。不。欽。服。

十。八。年。召。煇。閣。問。殘。法。何。以。名。行。監。課。何。以。日。敗。時。上。又。通

行。難。以。責。下。又。移。精。多。得。名。僧。失。上。令。嚴。勅。有。司。又。監。勅。告

於。奏。討。便。行。夾。帶。奏。討。有。額。夾。帶。無。稽。上。勅。部。盡。善。法。弊

律。史。陸。偏。擬。草。接。連。人。役。上。以。舊。制。不。詳。孝。廟。明。智。國。事

諸。臣。盡。言。尚。不。能。及。

上大漸。劉健、李東陽謝遷已受預命。帝曰：「已矣。自古云：作善有長年。朕自分有心之惡，未嘗為。無心之惡，多有之矣。」至此天也。時渴甚，帳猶錦製。遷云：「何不進勺水？」內臣曰：「誰敢？即何不以紗帳？」曰：「宮殿高寒，上鼻血滿衣。」歎曰：「我做天子，不能一口水喫。」蓋上以郊社感冒，院使劉文泰誤以為傷寒，反召御醫徐鎮疏稱：「誤醫難治。」及崩，閣臣請加誅文泰。內侍持之，獄不決，止配遠方。或云上憂國用不足，尚書劉大夏曾奏內臣持權耗蠹，非一從此搜剔，因用自足。上入語皇后：「洩之內廷，諸大璫，懼黨尚藥，反其治。」



正德逸紀

正德元年四月、上始微行、好騎射、二年二月、初備上林苑、

海子行殿、三月、取趙福等六十三人、群畜鷹子于內苑、捌  
月、樂豹房不復入、大內悅錦衣于永、漸習陰道秘戲、永矯  
旨索回三女、善西域舞者、以進、得十二人、上復召永女、永  
以隣人白回子充之、慮事覺、致仕、三年、以競渡龍船為犯  
法、籍南康縣民吳登、顯等三家、誣民間善眩戲者、以聞、七  
年、以賊平、賜義子百二十人、九人國姓、朱德、朱寧、朱安、朱國、  
朱福、朱剛、皆至都、督世襲錦衣衛指揮使、而朱採、朱靜、朱  
滿、朱恩、朱規、五人、朱自亡、國得幸於上、晟八年、五皇莊五

所九年。月上數微行。至教坊司觀樂星廟。為禮宮以齋  
門廡帷幕。至於溷。福畢具。凡一百六十二間。他遊幸。率隨  
之。十年三月。上習番經。被番僧服。法王綽吉我塔。見出  
入豹房。命太監劉允往西番迎活佛。率指揮千百戶甲士  
千。以珠非為旛幢。黃金為七供。饋賜鉅萬計。勅十年往。返  
得便。且行處。辦錢物。十一年。嬖都督馬昂有娠女弟。係畢  
真妻。并名昂姪。應昂妹亦跡。溺豹房。彬。熹帝竊出。遊獵近  
郊。數馳幸南海子。十二年。再突居庸。潛出。還幸宣府。即鎮  
國公府第。稱曰家裡。過大宅。輒馳入。或宣其婦女。富民率路  
彬求免。時軍士樵蕪不給。至柝民居供爨。諸巡幸大率守



臣具膳送行鎮監捧酒巡撫進筵時以駕未至巡撫袖筵會輦  
從多巡撫後上需筋急乃曰若我做撫按官決不如此怠  
慢終弗罪迎春宣府令女子執毬共僧載鼓動毬擊僧首  
如是數十車上敬之自宣府吹懷來迎駕者定稱威武將  
軍綵聯千前道上戎服裹赤劍而騎諭群臣衣撒大帽伏  
道左以次上紅梵進金花口不得稱臣陳羊酒金幣齊聲  
恭壽威武大將軍上引卮誇曰幸威武手斬鹵首一于榆  
河又齊聲叩首萬歲賀夜子入德勝門宿豹房十三年夏  
因祭陵後幸密雲逐喜峯過灣河以流沙瑩意有宝其中  
遂有投丸詭拾稱上獲

口外七月鹵犯邊勅總

督軍務威武大將軍總

兵官朱壽

討之壽上自稱也尋以

有功加鎮國公爵復出居庸歷萬全至大同居總兵葉椿

第稱鎮國公總兵府改都指揮使所置二店為酒肆棧曰

官食券而不償至偏頭關索女樂于晉府樂人騰妻劉良

女善謳最幸左右得罪乞劉謳中一言為一笑而解于

是貴近都擅制編掠良家子女悅上後車數十日有免者

上不聞也十四年七月寧宸濠反勅鎮國公以汝軍都督兩

親征寧禍平上發京師九月宴保定府堂兩都御史伍符

為藏閫之戲再不中投閫于地使拾之罰十數符醉甚上

乃喜宴臨清為具草上視笑曰慢我甚初劉良女送上脫

簪以為記、上馳失之、召不至、則夜飛舸還、載與俱南、十一月、至淮安、幸太監張陽第、漁清江浦、賜左右魚、責金帛、謝上、或屏侍、從徒步入淮安城、幸總兵顧仕隆第、十二月、至揚州、監吳經矯旨言、上將刷處女寡婦、夜半飛騎呼門、駕至衢道、設炬、香霧漫天、搜婦女、破壁壞垣、必出之、分送尼寺、得贖者、免、知府蔣瑤為民請、命觸經怒、大擾上、不知也、上至數獵城南、幸上方寺、令祁周括鷹犬、忝州并獵戶百餘、大獵三日、得劉良女、諫乃止、閱妓揚州、撫按官進宴、却之、取其值、至儀真、禁屠猪、示曰、勸得百姓之家、豢養宰殺、固為常理、但係國姓、深為不便、為

憲行移各府州縣衛所

以小猪上其已高者送

用如達發邊遠充軍閱

大江幸民昌本家復閱妓半送御舟十五年迎春南京備  
諸劇戲享廟仍用少牢二月上有泛浙歷江湘登或嘗之意  
以送濠楫至遂入諸津用鎮國公鈞帖令王守仁重上捷音  
議回宴受俘漁江口避雨民家夕宿望江樓登金山一舟幸  
致仕閣臣楊一清第受門闌之歌幸閣臣靳貴弟貴已故  
令番僧繞其柩誦經三匝知府瑤忤鎮守官頸珠索從事  
至淮安都御史蕭蘭及總兵官顧仕隆率諸文武恭獻賀  
功金牌道以花紅錦帳百十上戎服蓼花鼓吹入城漁積  
水池舟上潑起左右歡呼萬歲龍也龍押水御躬不豫至

北通州大稱南征諸軍密受鎮國公方畧凱歸詔賜宸濠  
死大陞賞旋入京擢軍威數千人陳東西輦輿陸完錢寧  
等裸反接死者竿其首標白幟書姓名弥望數里上戒服  
騎觀正陽門下浮者自東安門經大內出十六年二月卧  
豹房罷朝大漸唯太監陳敬孫進二人侍始追悔前誤不  
及矣世廟立諸佞倖皆被遣乃無及徐髯仙者髯仙故以  
跣跑不羈坐草衿上南巡至維揚髯仙獻樂府稱旨上數  
幸其家巧晚靜閣觀魚隨駕至京宿衛或共卧起授錦衣  
鎮撫賜飛輿袋上晏駕并收以文名得免而臧賢伶官也  
得上心有婚言錢

教習諸伶濠遂因錢

賢得復護衛上偶幸賢

茗上問何自曰寧府

上不疑及寧反宦官受寧賄者率指賢以乃衆數為寧間者不勝指衆囑獄司逮滅賢曰死張家灣

正德中入閣不由翰林者三人內惟楊一清以才望破例擢用若劉宇曹元皆以阿遂監瑾得之

此段文字係後人書寫之影印，內容與前段文字相重疊，且較為模糊，故不在此處詳細轉錄。

嘉靖逸紀

世廟祀典說畧曰。惟我太祖高皇帝。應天作辟。以繼義農  
先舜而君天下。傳至我皇兄。皇兄升遐。以朕為我皇考。至  
親之子。命入奉大統。繼承宗祧。以主郊廟百神。豈敢於理  
不當為者。而率為之。孔子至唐而稱王。至元而謚在。孔子  
當特。凡諸侯之僭王者。華削而必誅之。乃不体聖人之心  
如此。我聖祖初命。天子崇祀孔子於學。不許祀於釋老宮。  
又除塑像。止令設主。樂舞用六佾。籩豆用十。特存其號。豈  
無望于後人。孔子曰。名不正。則言不順。言不順。則事不成。  
何不幸身之哉。于是顏魯孔伋並配於堂上。父食於堂。



一綱領紊而百目因之隳矣。茲朕不得不辯。所以防閑於萬世。設有謂朕以位而凌先師。寔非原心者。是為說。加以申記。且有通行。非此睿斷力行。鮮不以群言或沮。又御製火警或問。有曰。或問。變不虛生。必有所召。夫宮中地窳。宮人有三四處一房者。又不肯相和。一人酣睡。至火焚身。三鼓。巡者急救。則三十五房盡燬矣。此自醉起。非災變也。今下令。脩省使事。務圖慎美。是則可為。若夫專譚禍福。務求事應。強為附挽。陰中古人。暗亂人志。則自招督責之過。何辭。

凡勅諭多不由閣擬。率抒長篇。于南京脩復太廟之說。折

表于一廟一主良是。但令奉先殿香火猶存。係正議。

御製明堂或問上既稱與敵為宗。強入太廟。又欲以明堂配父。百世不遷。而嫌於太宗特尊為祖。以便展其私愛。畧曰。或問配帝為難。奉太宗配庭。可以服天下。荅曰。太宗本時君之遠祖。以父近之親尊之。是非人道之正。降祖為親。經所未聞。問曰。汝蓋欲奉考配。無乃愛親而不愛祖。荅曰。明堂本義。因秋時物成以報。即人成于父之義。故父配為正。然則一世一易乎。摠用周制為準。以武王行礼奉文王配之而已。問稱宗何為不遇。崇上之義。稱宗。祔廟否。曰。祔廟與稱宗是一行。今文臣以祔廟必祧。不如專享。不遇。

中其位必狠之無比也。豈有太廟中四親不全之礼乎。問  
明堂之配親盡將何為。曰。明堂之配百世不可易。問。太宗  
不得一配將如何。曰。此假借以制時君。并欺太宗為無道  
之甚。夫今日之始祖太祖也。始祖故配郊也。今日之嚴父  
獻考也。嚴父故配明堂也。周太宗功燕創守。究何以報之。  
荅曰。皇祖初定。太宗再創。號稱無異于列聖。當以祖宗別  
之。同太祖百世不遷。庶見其宜。于是有詔頒行。尊太宗為  
成祖。尊睿宗欽天守道洪德淵仁寬穆純聖恭儉敬文獻  
皇帝。祔享太廟。藏主原寢。行季秋明堂礼於大內。公極室  
殿奉皇考睿宗獻皇帝配帝。為嘉靖十七年六月二十六日。

也。

陶仲文湖廣黃岡人以倉大使當刑假符錄進用免嘉靖中  
官至禮部尚書封恭誠伯子世恩以恩例尚寶卿傳習偽書  
招聚奸黨妄造方藥進小溷葑丹其從子陶倣進九白及  
兜肚香袍劉文彬進經驗仙丹陝西鄜人王金獻五色芝  
得幸亦進百花葑酒三原申世文進天水生元丹武當山  
道士太康高守中進三元葑丹咸託延年羽化為名不過  
房中術耳隆慶初仲文伏誅餘奸退匿  
緣簿簿久不在內閣蒙閉之患自是日甚正德中錢華  
家搜得題奏本四十餘件江彬家搜出阻抑邊情本一



萬曆通紀

萬曆三十四年，御史曹學程以言事忤旨，繫獄十年矣。例丙辛之年，掌印太監出同。三法司並錄牒大審。時法司敦請陳矩，傳太后慈聖意釋之。

雲南民變，殺內官楊榮上。以左右言，欲歸罪有司，必從騎達治。監矩苦口，得行勘結局。

榮昌長公主與駙馬都尉楊春元反。目春元不請拂衣，常里衆慮不測，卒召還。賤令演禮以懲之。





萬曆逸紀

本朝萬曆逸紀

竝議始自萬曆戊戌侍郎呂坤以帝鑑圖說例編摹閨鑑圖說刊行尋皇貴妃鄭氏有序弁其首改鑑字為範字鄭晚承恩筆也標曰大明皇貴妃重刻閨範序內有脫替勸講繼述仁孝之女誡章聖之女訓云於是科臣戴士衡撰憂危竝議跋閨範之淺具疏明叅呂坤假託此書包藏禍心按竝議有云呂為此書雖無易儲之謀不幸有其迹矣閨範序中直擬繼述先朝母后將置太和中宮何地且云脫替勸講母乃巧行媚道從古有宮闈與現任大臣勸書者乎破格之恩良厚矣五十寶鑑四疋采幣胡為乎來且聞

坤所進金龍命書盛稱三皇子異日。或又曰呂處衆詬而子獨與之何也。曰當世名人若張養蒙劉道亨魏允貞鄭承恩鄧光祚洪其道程紹白所知薛亨皆稱坤所見極高。夫唐闕執命天子門生。宋奸弄權神器官易。今盟約已定。羽翼已成。子韋布之士。豈知國家大計。後署燕山朱東吉頌首跋。司禮陳矩直以上聞。鄭戚畹國泰承恩等隨有辯冤續言。指戴與樊黨同非聖。并請急正青宮。以息群惑。所云樊者。全椒知縣樊玉衡也。玉衡踵有疏。故并及之。二衡坐遣。有旨不必深辯。至三十一年。又有續憂危竝議刻本。外題國本攸關。亦用前憂危或問體。略曰。或有問于鄭

福成曰。今天下太平。而先生常不豫。何也。福成曰。以日事  
 勢。正賈生所謂厝火積薪之下。豈以儲位尚或未安乎。曰。  
 然矣。從官不設。尚寓他日更立之意。大率毋愛者子抱以  
 鄭貴妃之專擅。回天豈難事。何以知之。曰。以朱相公賡知  
 之。賡者更也。相公倡之。誰敢不附。侯之門仁義存。誰則捨  
 富貴而趨死。然則衆附可數乎。曰。可。文則王世揚等。孫  
 李汝張。張武則王之禎等。陳汝忠王名世而貴妃主之於內。璋  
 此之謂十亂。魯論所云有婦人焉。九人而已。正合文王捨  
 伯也考而立武王之義也。問此數人將胡為乎。曰。數公人  
 傑。有世揚汝忠。則靖難之資。取之京營自足。有汝三邊扼要。

矣有璋駐保定勤王弗至也有之楨宿衛禁城誰則斬關  
入乎問濟與否曰監矩與妃鄭比周上前胡不濟或曰蛟  
門無說乎則曰蛟門險賊善規避不身其咎後署吏科都  
給事中項應和撰四川道御史喬應甲書題有萬曆某年  
無月日上怒詔嚴緝將閣臣歸德沈鯉主票本頗為蜚語  
所中鯉于閣中供設天啓聖聰牌入必禮之不數日錦衣  
崔德緝得皦生光弟生彩按生光原係順天府學生員先  
年曾自捏名印造妖詩將以中勤戚包繼志并危鄭詩曰  
五色龍文焰碧天識書特地擁祥烟史知鄭氏乘黃屋願  
獻金錢壽御前後署松風在客題而生光出名作跋臣偶

從郊外貴家庄拾得此詩讀畢痛哭失聲左右驚覺奪去  
臣歸歎曰渠家陰謀羽翼成矣凡我臣子誰不疾首故直  
書之或以散其党云則刊板印貼鄭皇親門首各徧衙盡  
有之事蕪坐草矜擬成久之自戊所潛歸改名繳揚字寬  
之又刻有恠石岸游兩草而粘壁十大說內有尔大冤未  
白而規于小侮尔大忠可傷而規于曲謹芻語時會  
審者數獨刑部尚書以為未允礼部尚書李廷机主筆定  
招十一條一造意報仇一妖詩後有候之門二語妖書內  
復有之本犯原供曾皆記此語一刊工徐承惠供工銀三  
錢四分驗字正合一所與工價尚欠一錢四分一承惠供

刑刻無邊檔。後無年月。今邊檔無。後有年無月。一本犯子  
繳其篇。供散妖書時。見書面票簽有國本收閱四字。蓋誤  
攸為收也。一承惠票簽有閩字。即蒲東廟姓。一妖書內有  
伯邑考語。出禮記檀弓。本犯做生員時。原習禮記。又本犯  
詩集有讀檀弓有感一題。詩據一本犯妾劉氏供。生光卧  
房。託病不出數日。已索刀劈木燒炕。一妻妾子女無不招  
承。及寃同謀。招無一字。一會審次日。親招情真罪當。萬死  
無辭。又次日。親招自作之孽。本無同謀。親筆在案。一東廠  
陳矩問何故波我。供云。廠裡問相連。別官供云。要緊衙門。  
蓋預防。党鄭即喬項二臣。抵是鬼捏。時其彩無供。瘦死獄。

中則四明與婦德沈江夏郭素以議謚及爭楚郢有郤欲  
激聖怒以并心諸不與己者走使監矩。殺不從。又御史  
康玉揚度必外轉用內監賈忠貞謀妄指僧達觀捕治獄  
死有偈云。鑼聲不斷鈴聲續誰是聲。誰是聞。因憶法堂  
鐘鼓。後古來竟夢任約。細聞者寃之。諸波及者金吾周嘉  
慶張魁禁衛王之楨。琴士鐘澄。醫士沈令譽。百戶劉柏。時  
尋仇互射。疑鬼盈車。殊非政体。然得是黨而震。位永安。  
必非生光放言之所昭也。生光坐繫。毒子戍邊。事沒。預會  
審御史沈裕嘗出差道疾相傳病中見生光索命自悔案  
生光涉孟浪竟死。又中書趙士禎自生光見收。輒神氣沮



喪得病亦驚呼生光在眼遂相傳妖書不自生光係誣服  
刑部尚書者蕭大亨也以亨不從益疑

*[Faint bleed-through text from the reverse side of the page, including characters like '刑部尚書', '蕭大亨', and '益疑']*

妃嬪逸 附外戚

滁陽王幼子郭老舍。洪武四年，有旨說與郭老舍。汝再三  
苗不佳，汝田有二所，庄田我仍賜汝。戶部官開除粮草十  
一年，以隣人貴童兒事，誣誤出走。十七年，廟碑稱滁陽無  
後，令滁州衛中百戶王傑等供王祀事，廟守省日，與蜀王  
之國掌衛印者主祀。宥氏分獻二十八年，老舍潛還鄉，為  
費謙所發，解黑窑場做工，上面諭放回。老舍卒，諭葬立石。  
其後裔謙昇信瓠，歲一朝。弘治中，瓠以剗帶為奉祀。嘉靖  
中，不與印信，止與原授職銜，不許干預祀事。瓠生厚。  
洪武中，尉馬都尉歐陽甲偶四妓佐飲，上怒，逮妓急。

胥曰大賄我活汝若盛粧艷飾可俾免果臨刑謁上裸跣  
出上曰痴妮子惑人無恠都尉免死

太祖賜秦王妃王氏係元保之妹為故鄧妃所妬上聞

召鄧責之鄧言不恭乃命宮人以油楮炙殺之改冊王氏

秦王換不敢送命鄧有二子怨王妃致死母乘王早朝縊

妃帛氣盡懸之梁王知強死恐累二子以病歿聞

初憲廟在東宮多寵英廟聞而戒之更侍以老成者萬貴

妃長於上十有五與褚五兒同預台又皆被寵濫英廟台

各杖百楮死萬絕而魁初憲廟欲幸萬要上能以我為

妃始奉命憲廟輒與誓後御極遂有偶尊之惑太后孝肅

史稱南人任實  
壽史名靈州四歲  
八梳足

語上萬雄悍、何所取。上曰：臣有病疾，非妃撫摩不安。妃智  
請外結中貴梁芳等，招納權貴，嘗男子饋服侍左右。孝穆  
侍上內藏，生孝廟。雖監敏露之，太皇白之，上不敢令萬知。  
託宮牆圯，往視孝廟，自貶垣。出時尚東布裙，上問誰為汝  
衣。曰：姐。問何食。曰：乾鹽飯。上惻然。仁壽宮太后撫養之。  
未几，萬毒孝穆薨。孝廟立，萬率御史曹璘疏寃皇妣薨逝  
之由，請遷妃葬。縣丞徐頊再疏，下內閣擬旨。時大學士萬  
安劉吉尹直意左，三日不發。尹曰：遲。西衙門言之，必云  
沉閣。何以謝責。遂擬法司看了來說。劉曰：法司要拿人，不  
便。姑着禮部，請拘萬家親戚內眷，曾經出入宮闈者究

問萬劉惧甚。尹慰之曰：「此事只宜寬處。」劉加額曰：「此盛德之言也。」頃太監覃安請旨，劉擬先帝存日云：「覃攝首不。然。尹竟改擬宮闈往事。朕承皇太后泊母后宣慰明白。儘說的都是外面浮說，難憑訪究。姑從輕處。」上允行之。鄭黃兒少與昭聖同戲，上無子，取之入生武廟。張后以為子，秘不聞內外。後黃兒父王坐內失銀茶壺事，罪流武宗時。王欲自白，為劉瑾所誣死。初，黃兒與伴趙氏泣請太皇太后終老，太皇乃召王太后囑之。太后呼東宮，密示所生母，併趙伴。後鄭美人者語洩，張后怫上命，送黃兒刑部，仍以大卓闌欄密掩歸。竟老死太后宮中。

童妃者。福王長子由松之嫡妃也。時未稱世子妃。先是崇禎甲申。福府被賊所躪。及王常洵慘死。世子由松。由松弟由栢。失所。眷屬星散。各不相顧。世子携福賢奔淮上。巡撫馬士英。及各鎮擁南都。立之。已鎮臣劉良佐與巡撫。越其傑。巡按陳潛夫奉皇后童氏入南都。有詔不許。廷謁指為妖婦。詔獄。潛夫坐不敬。亦併見收。鎮臣等免議。余曾晤潛夫云。童氏自叙世子由松嫡妃。情寔鑿。一時與後尊稱妃亦宴受。無慙。遂以南歸。余時心疑甚。上既勿領。即賜見。可見而聞置之。亦可。何至斥為妖婦。妖婦者。挾媚術惑世之稱。與道遇宮人。不合。即誤進一宮人。可無罪。而詔獄胡。

為且童草奏縷。錦水馮可宗訊得之。皆宮中事。非民間所能與聞者。搶呼擲地。嗚咽甚。曰。願得望見至尊。一言而死。匪最閔切。情不至此。而上得奏。不一省視。直抵之地。又胡為也。或云上初稱元后。李已故。方窮採蘇杭佳麗。不復念奮果爾。託他故廢之。古不誼之主。亦往。有然。必不使一聯山龍。何也。至壬子在永。晤南中錢秉鐙。言童氏寔世子。由松嫡妃。竟以世子得南。而隆重。而棄故人。為大飲恨。其寔世子。由松出。弟由栢。獲遺寶。遂自稱世子。倖立。童氏路逐。不知。即初擁戴諸文武。故不知也。詔童氏就訊。鄰太后知之。閩部馬士英知之。諸在廷。故不知也。李氏或即



由栢元配。恐踏洩之。遂云李氏道失。即不。失亦竟失也。嗟  
乎。果常洵在寔。得罪光廟。不當立。而况世子由松。而况偽  
世子由栢。篡兄。而矯以立也。當時諸大鎮。皆以帝忘其故  
后。寔本良佐。不誣。而適奏偽太子王之明事。遂謂兩大失  
德。江上解體。以至于此。豈知國賢真而護賢者。假事有不  
可測如此。安得福府玉牒所載一証之。按秉鐙得之。故內  
侍然。則故老亦多言之矣。或云大悲和尚。即是由松。當不  
必然。童氏南都敗後。削髮為尼。後避迹六安州某庵。猶自  
稱皇后。事覺。訊者示以危語。令諱之。

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...  
 十一、...  
 十二、...  
 十三、...  
 十四、...  
 十五、...  
 十六、...  
 十七、...  
 十八、...  
 十九、...  
 二十、...  
 二十一、...  
 二十二、...  
 二十三、...  
 二十四、...  
 二十五、...  
 二十六、...  
 二十七、...  
 二十八、...  
 二十九、...  
 三十、...  
 三十一、...  
 三十二、...  
 三十三、...  
 三十四、...  
 三十五、...  
 三十六、...  
 三十七、...  
 三十八、...  
 三十九、...  
 四十、...  
 四十一、...  
 四十二、...  
 四十三、...  
 四十四、...  
 四十五、...  
 四十六、...  
 四十七、...  
 四十八、...  
 四十九、...  
 五十、...  
 五十一、...  
 五十二、...  
 五十三、...  
 五十四、...  
 五十五、...  
 五十六、...  
 五十七、...  
 五十八、...  
 五十九、...  
 六十、...  
 六十一、...  
 六十二、...  
 六十三、...  
 六十四、...  
 六十五、...  
 六十六、...  
 六十七、...  
 六十八、...  
 六十九、...  
 七十、...  
 七十一、...  
 七十二、...  
 七十三、...  
 七十四、...  
 七十五、...  
 七十六、...  
 七十七、...  
 七十八、...  
 七十九、...  
 八十、...  
 八十一、...  
 八十二、...  
 八十三、...  
 八十四、...  
 八十五、...  
 八十六、...  
 八十七、...  
 八十八、...  
 八十九、...  
 九十、...  
 九十一、...  
 九十二、...  
 九十三、...  
 九十四、...  
 九十五、...  
 九十六、...  
 九十七、...  
 九十八、...  
 九十九、...  
 一百、...

諸王傳逸  
平計出而歸其甲不更其衣之旗

岷王撫母周妃死不得其所封岷未行思犯太祖山陵以報母死之憾建文中不遣之國文皇得國慰勞之王見上不稱臣且有謾言上不悅欲以事誅之王乃惧逃之武岡詔逐王王列画圖于地曰願得草屋三間而已詔從其請改封雲南治邸以椽蓋之至成化中迺得易以瓦正德初得給撥後祿三千按正史樓亭居王似太賔不及情逃之說或可存也但洪武末有罷建岷邸待十五年後之諭何居周惠王有燬為世子時博學善書習聞其父定王構元宮詞之獻亦製樂章新声上之上答賜優衣

趙簡王高燧。文皇三子也。自勇精騎射。嘗疾馳馬入郎門。手扳門闕。馬止。復双股挾馬腹。懸地尺。語曰。文不過。周世子武。不過。趙簡王。

高燧。反。宣。廟。親。征。既。將。薛。祿。難。其。副。或。推。張。信。年。七。十。有。八。上。老。之。揚。文。敏。榮。曰。靖。難。時。信。與。煦。同。事。智。力。足。服。煦。且。未。老。也。從。征。賜。善。馬。高。八。尺。信。重。鎧。執。戈。騰。躍。上。杜。之。兵。將。至。武。定。煦。問。大。將。軍。為。誰。曰。薛。祿。曰。祿。易。與。耳。先。鋒。為。誰。曰。張。髯。曰。張。髯。老。且。死。矣。安。得。至。以。及。審。視。果。信。也。驚。軍。中。色。沮。既。執。煦。歸。凡。其。所。造。兵。甲。堅。利。甚。悉。輦。上。供。及。英。廟。北。征。倉。卒。行。出。所。籍。兵。甲。不。更。製。土。木。之。敗。悉。

季沙漢。

寧王宥濠敗其往來貨賂簿籍為王守仁所得江彬按籍依位之尊卑繫屬之王尚書瓊有十三書夜上彬銀三萬兩折膝以請彬還其書如瓊免者甚衆嘉靖初悉捕宦官瓊亦坐下獄猶以賂行宦官幸免死論者曰使盡法以擊交通仗此日夫此萬不能湯洪武中初制矣噫

鄭王厚烷泥古失言為盟津王子祐槩所訐奪爵降庶人安置高墻其長子載堦封爵如故槩遂欲奪理府事奏下禮部禮部尚書徐階議得親王因事奪爵未經奉旨立何郡王承繼國祀按前此子雖未見罪始則降封後乃得嗣

其父始封之爵者。遂庶人貴。洽長子象璫之封。長陽王是也。父子並有罪。降庶人。不得請封者。見滿與其子祐柄是也。罪止其身。子得襲爵。但未封世子。擇郡王署府事。已而彼此相訐。仍封其子為世子。勅令管府事者。慶庶人世子。靠植是也。父既坐事。即令其子管府事者。岷庶人彥沐庶子譽榮是也。至於親王冊寶。非干大逆如寧濠者。例不進繳。今鄭庶人比之貴。始見滿奉旨。改令旁支承繼者不同。即載煇于父炆所犯情罪。無干。幸保封爵。比之象璫。先為庶人。反祐柄有罪。降草者亦異。本部不敢援岷世子譽榮。慶世子靠植例。請命載堉管理。而援寧昌王例。請令河南

撫按秦保倫序相應賢能素著者二人以俟簡命蓋以予  
奪之柄且出自朝廷其人之賢否當稽諸公論也祐樞累  
奏圖快私忿相應罰治上可之





大事逸

勝國原俗

韃靼原志。食生。淺皮。貴壯。賤老。逐水草。無定廬。行則羶而  
息。其嫁。娶先通。掠至其室。或半載。乃以牛羊駝馬為聘。駝  
髮。躄。病則文。或燒地。即其上。或刀抉患處。出血。愈。兵死  
為貴。葬則教舞相送。以豚繩絡一肥犬。燒而送之。凡徵。獲。  
利。亦為數。以金銀箭蠟封之。以為信。後不盡此。狼居胥。漢  
霍去病嘗封之。後稽山。李陵戰。國愛。燕然山。去塞三千里。後漢  
竇憲敗。國。班固。銘于稽落山。直接。國。金微山。又不師。罕。幹。難  
河。源出於此。即元太祖鐵木真生處。撒克兒山。洪武中。搆兵。

周興追國之兵禽胡山洪武中賜名永樂中犁庭勒石銘  
 曰瀚海為釋天山為鐸一掃胡塵永清沙漠有白雲山賜名

蒼山及沙頂凌霄峯主馬峯又銘石峯第石峯右曰惟日

月明惟天地壽勒銘石與之悠之鹽胸河至冥河皆靈河皆

水樂中賜名又銘清流泉於石曰於穆之師因戲魄幽山高水

清永彰我武鳳皇山沙城即光之中都興和而陰山之皆車

駕嘗至此鳴鳶成之北東西有大小白顏山可通開平後五

雲閑錦雲破歷幽川至台交河即今哈喇火州又天錫等六

泉六水樂中賜名至長清塞上賜名則南室北矣滋灤海

即瀛之納活兒海周子思幹難改夷凡七為其甲永樂中賜

名玄冥池。土刺河。永樂中敗。酋改名殺胡頭。凡犁庭之師。  
自宣府出萬全右衛。達與和為西路。由土市驛徑雲州。以  
達開平為東路。宣府邊西北望為荒林。或曰宜焚之。以塞  
鹵射獵。中賊北望。雖以深林塞。亦便去舉。宣府東路相望  
重。為宣嶂。環繞于外。為陵寢藩屏。最要。若夫和寧路。即初  
名和林。為元太祖建都之地。

...

...

...

...

...

...

...

...

...

...

祀典

國初。郊廟社稷先農為大祀。山川帝王先師。旗壽為中祀。尋降先農。七甲祀。靖神為少祀。初祭服。或具通天冠。絳紗袍。或皮弁。無定。禮部尚書張養泰上祀必用冕服。垂鞶。嘉靖中。以朝日夕月天神地祇為中祀。大祀致齋三日。中祀二日。牲四等。犢牛太牢。少牢。色尚騂。或黝。天地日月加玉馬。玉三等。蒼璧黃琮。及玉。大祀牲。入祿九甸。中祀三甸。小祀一甸。殺不用牲。用果脯。後其後也。或用素羞。大祀中祀有制帛。五等。郊祀奉先。祀神。展親。報功。小祀素帛。祀佛帛。王國司府州縣。七用帛。小祀則否。有樂。四等。九奏。八奏。七

奏六奏：有歌堂上舞，堂下舞，皆六佾。有文有武。先師  
六佾，去武。小祀則各凡助祭文臣五品，武臣四品以上。祭  
社稷無助，大臣五人陪拜焉。小祀則各嘉靖九年更定南  
北郊，皇天上帝南向，太祖西向，東西各一壇。大明夜，賜西  
去明遣文臣攝。夜明遣武臣攝。大明以冕服。夜明以皮弁  
服。拜跪飲福受非例。行太廟時享之禮。洪武元年，四孟  
歲除凡五二年，以清明端午中元冬至分四時，祝文稱孝子  
皇帝，不得稱臣。或令長子某攝，不得稱皇太子。諸祭果寔不  
額，有即用之。著為令。三十一年，上享太廟，顧庭桐梓而愴  
泣下。因言初太廟安主之夜，夢皇考呼朕西南，有鬻果有



遷報神無不存。後人務齋潔。以妥降。成化三年。南京司  
禮監家丁阮權盜南京太宗神御珠冠金盃等物。伏誅。按  
宗廟前殿。後寢殿。又後祀殿。皆九楹。各翼兩廡。寢殿藏主  
為同堂異室之制。嘉靖中。入獻皇帝后主于殿。皇帝之上。  
四祖奉祀景皇帝。劾不潔。入廟。孝潔陳皇后。別殿奉祀。立  
春特享。皇帝祭太祖。分大臣八人祭。諸帝分內臣八人祭。  
諸后。立夏及立秋。立冬時。祭太祖南向。成祖西向。上于七  
宗。七宗仁英孝。而附以睿。東叙西向。宣慰武。西叙東向。冬  
季中甸。擇日大禘。四祖與太祖異。意南向。成祖以下。如故。  
皇帝獻德祖。后大臣十二人分祭。諸帝內臣十二人分。

恭。清。后。奉。先。殿。洪。武。三。年。建。於。乾。清。宮。左。每。日。焚。香。朔。望。  
 薦。新。薦。序。乃。生。辰。皆。祭。以。歆。用。常。饌。行。家。人。禮。嘉。靖。初。奉。  
 皇。考。興。獻。祀。世。室。隨。別。立。崇。先。殿。既。入。主。太。廟。乃。預。奉。先。  
 而。承。天。隆。慶。殿。為。迎。敵。陵。祀。大。饗。殿。者。世。由。欲。守。祀。皇。考。  
 以。配。上。帝。乃。撤。南。郊。大。祀。殿。建。大。饗。殿。享。上。帝。尊。溫。皇。考。  
 獻。皇。帝。侑。享。是。秋。殿。未。成。乃。大。享。于。宮。右。軋。隅。之。極。室。殿。  
 既。升。祔。太。廟。仍。藏。之。原。寢。大。禘。之。禮。洪。武。七。年。御。史。答。祿。  
 與。權。請。祭。帝。所。自。出。上。為。不。行。嘉。靖。十。年。上。親。撰。祝。文。書。  
 神。牌。於。太。廟。曰。皇。初。祖。帝。神。太。祖。西。向。配。陳。牛。羊。豕。各。一。  
 禮。三。獻。樂。六。奏。舞。八。佾。祭。畢。燎。神。牌。奉。卷。殿。在。奉。先。殿。之。

右孝宗以生母孝穆紀太后不得奉太廟及奉先為特設祭之  
 已而憲宗生母孝肅入祀而興獻生母孝惠亦薦入嘉靖  
 八年悼靈皇后不得奉太廟亦祔入十五年孝穆皇后  
 十五年紀官請奉孝肅於裕陵孝穆孝惠於茂陵上又以皇  
 太后太皇太后太子孫尊稱若稱睿皇后純皇后又嫌于嫡  
 改題皇后不得書帝謚自是器奉薦禮備凡功臣之制  
 洪武中次中山王等十二人一序洪熙初次河間王等四人一  
 序嘉靖十六年進誠憲伯六王之下群公上及營國公  
 郭英入值列承義侯之上誠憲次寧國之下祧廟之設  
 自孝宗初立憲廟宜升祔時德祖至英守九廟已備乃嚴祧少

唐楊守陳言天子祀七廟祖有功守有德凡帝太祖身係  
 始祖以功論不以統論也夫七廟之間既有始祖又有太祖  
 太祖配天而不正南面名與寔乖以并祀德懿默三祖自  
 仁祖以下為七廟以後太祖百世不祀南面裕等則尊德祖祀  
 臣周恭漢倪岳以為德祖視周古禮太祖太子視周文武宣  
 皆百世不祀清建祀廟祀自德祖始上從之

按古稱郊天天子得行社則諸侯得行尊卑判矣分祀  
 但別陰陽而尊卑微寓其中若合祭南郊卑與尊絕大  
 不合祀觀孝慈歸之喪生庶毋列朝生庶毋之益稱  
 太后尊卑以辨率宗於祀始之景皇既仍帝稱何以

曰。議。曰。廟。禮。與。獻。既。安。入。太。廟。若。即。妃。之。謚。幸。惠。得。與  
奉。先。仲。穆。更。甚。內。臣。職。福。掃。耳。外。臣。與。交。通。者。有。罪。而  
特。享。時。禘。大。禘。內。臣。得。分。祀。諸。后。則。又。何。況。也。禮。加。于。別  
矣。奉。慈。以。意。起。崇。先。亦。以。意。起。不。必。世。終。一。朝。可。也。若  
世。廟。則。安。擬。世。室。以。私。其。所。生。陷。於。不。臣。是。不。知。所。以  
尊。抑。也。名。所。以。親。也。七。廟。益。二。世。室。為。九。國。公。以。穆。考  
至。德。權。宜。與。此。而。直。擬。為。九。廟。宜。失。古。制。即。郊。而。配。稷  
明。堂。配。帝。以。有。稷。與。知。功。德。不。可。及。故。權。宜。為。之。乃  
欲。以。無。名。之。始。祖。與。一。世。之。第。四。祖。一。以。尊。禘。一。以。尊  
廟。為。不。遷。是。誤。認。權。宜。為。止。一。之。所。謂。時。者。安。在。配



請正北嶽之祀

北。岳。當。祀。于。山。西。渾。源。州。之。恒。山。弘治中尚書馬文升嘗

言之以為今南祭於曲陽縣者未是事始于李唐飛石之

祠而宋地不及北岳所在故志有恒山飛來之說今且改

祀恒山為允時禮部尚書倪岳奏寢之緣父尚書謙禱于

曲陽而得岳因名岳不欲忘神授故堅執奮志寔大舜北

巡向在渾源不惑也後嘉靖中或議既已都燕當別建五

嶽引周都鄭鎬時用吳嶽為西嶽為証卿范拱以為非

是議略曰軒轅居上谷在恒山之西舜居蒲版在華山之

北以此以所都而設祀事遂





皇莊 皇店 皇蓋

天順八年憲廟初立以沒入太監曹吉祥地為宮中莊田  
在順義縣安樂里板橋村皇莊之設自此始此自是東宮亦有莊田  
和治中<sup>一</sup>建皇莊七處戶部郎中 軫言天子藏富于  
民安得有莊後厲民宜給還民 口宜革官莊名即佃  
種責租有司併解

正德中皇莊及皇親功臣各莊田順天等府內共三百八  
十餘所合計九萬餘頃按宣廟中許直隸開墾養田正統六年  
始令從輕起科景泰中革自莊田為名諸推倖親暱之輩投  
獻奏討心 額七倍矣皇莊既立遂有管理太監所

帶旗較。名下多為指魁。輸官。關。二。三。八。私。案。已。不。  
 當。八。九。因。以。圖。求。市。利。更。名。皇。店。奏。討。鹽。引。名。曰。皇。鹽。

十。餘。所。合。指。大。旗。較。則。每。百。石。中。指。直。銀。兩。五。錢。五。分。

五。計。中。指。五。分。皇。鹽。以。百。石。為。一。兩。天。養。所。為。三。百。

轉。賣。時。價。亦。相。輸。以。百。石。為。一。兩。天。養。所。為。三。百。

月。至。數。月。時。對。皇。以。皇。鹽。以。百。石。為。一。兩。天。養。所。為。三。百。

時。亦。中。其。三。皇。以。大。旗。為。特。許。中。轉。賣。天。下。海。關。于。

在。關。運。轉。其。皇。里。外。蘇。州。皇。鹽。之。數。三。萬。石。自。保。清。官。以。百。石。為。

天。即。以。羊。為。商。時。以。以。入。水。邊。書。告。拜。以。皇。言。中。出。四。

皇。五。皇。五。皇。五。

寧濠之變

正德十四年，御史蕭淮疏寧逆，畧曰：寧王不遵祖訓，包藏禍心，招亡納叛，潛謀不軌，交通一校，積有年歲，如致任侍郎李士實等，皆今日亂臣賊子。養癰已成，寧社安危匪細故也。給事中徐之鸞、御史沈灼、章入時、監張忠欲附江彬以傾朱寧，諷內閣降勅，切責鎮巡楊廷和，以前復護衛故內忌，適上令駙馬崔元勳、寧廷和意如宣德中駙馬袁泰釋趙府嫌疑，勸濠上護衛自贖。濠以舊制抄解宮眷，始遣駙馬，激起以士實為太師，劉養正為國師，奪船順流襲南康，知府陳霖等遁，隨襲九江，兵備副使曹雷、知府汪穎及崇縣

官屬七遁。濠令師護守之。茶政李敷同南昌府學教授趙承若。旗校十二人。賈濠偽檄榜諭吉安。至黑潭。王守仁哨縛軍門。守仁以偽檄聞。疏中切。以止巡遊。逐奸諛。為望似未力。言除濠方畧。濠以劉吉為監軍。王綸為茶贖指揮。葛江為都督。拱樞弟拱楨等總一百四十餘隊。分五哨。困安慶。不下。南戡巡撫李克嗣告變。會議七順門。兵部尚書王燮獨信守仁能辦。乃事項剋覆。十三疏首詔削濠屬藉。正賊名。次請命將出師。伯方壽洋防江。都御史俞諫准兵。翼之。戶部尚書王鴻儒主給餉。王守仁率南贛兵由臨吉。都御史秦金率湘兵由荆瑞會南昌。李克嗣鎮。江許廷。

光兵鎮浙江。龍蘭鎮。嚴真。防瓜州壩。傳檄諸路。但有能倡  
義縛反者。封侯。仍令南京自守。備操江而下。咸自陳。取上裁。  
務在得人。以固根本。蓋變自贛。文成。便。且。時。已。壽。及。此。視  
濠。如。魚。釜。中。無。為。也。連。吏。部。尚。書。完。及。太。監。蕭。放。秦。用。盧。明。錢  
寧。臧。賢。下。獄。藉。其。家。敬。上。銀。二。萬。兩。贖。免。仍。掌。司。禮。守。仁  
會。師。樟。樹。自。知。府。汪。文。定。而。下。同。官。袁。州。徐。璉。臨。江。戴。德  
孺。贛。州。邢。珣。通。判。則。吉。安。談。儲。瑞。州。胡。堯。年。童。琦。推。官。則  
吉。安。王。暉。南。安。徐。文。英。知。縣。則。新。淦。李。美。秦。和。李。楫。寧。都。王  
文。與。萬。安。王。冕。及。贛。州。都。指。揮。余。恩。守。仁。知。書。牌。誓。軍。中。軍  
伍。不。用。命。斬。隊。將。隊。將。不。用。命。斬。副。將。副。將。不。用。命。斬。主

將。總以便。宜行。遣奉新縣劉守楮。間道襲破賊伏新舊。廠  
南昌。警梯。徑入。執拱。樞等。千餘人。官眷。諸名。從行者。或自  
焚。濠歸。援或。請堅壁。避其鋒。守仁曰。不然。賊已。氣沮。先聲  
奪。之時。遇賊。黃家渡。一戰。賊潰。而長。我兵。小却。文定。砲火。燎積。  
不。還。斬賊。吳十三。濠。退。樵舍。猶。晨。朝。責。其。軍。怯。守仁。令。乘  
風。縱。火。焚。之。賊。靡。斬。溺。死。萬人。上。親。征。至。良。御。得。守仁。捷  
奏。止。蹕。有。曰。逆。濠。薙。謀。之。始。逆。料。大。罵。必。將。親。征。先。于。沿  
邊。伏。有。奸。黨。期。為。博。浪。荆。軻。之。舉。或。有。意。外。臣。死。莫。贖。且  
獻。俘。闕。門。式。昭。天。討。布。告。天下。不。聽。守仁。語。張。永。江。右。困  
極。復。以。兵。臨。之。初。脅。從。復。起。為。亂。所。當。長。慮。永。深。然。之。徐



曰。吾此出為羣小在君側意。默輔聖躬。非為撻功來也。永  
以浮赴行在。監忠挾給事中祝精。御史章倫。肆蜚語。盡守  
仁守仁。微諭市民走御。而老羸候門。擗牖北軍。忠等預禁  
勿受。以難守土。守仁開誠。述北軍離家苦楚。且各至北軍。  
見。夾塲心酸。欲啼。守仁諭居民當敦主客。禮遂稍自給。資  
北軍曰。王都御史愛我。安忍犯之。忠與朱泰。朱暉。自謂較  
射。點軍畢。以弓矢強守仁。守仁三發。三的。軍中唱彩。泰暉  
邊將意快。

一。○  
 二。○  
 三。○  
 四。○  
 五。○  
 六。○  
 七。○  
 八。○  
 九。○  
 十。○  
 十一。○  
 十二。○  
 十三。○  
 十四。○  
 十五。○  
 十六。○  
 十七。○  
 十八。○  
 十九。○  
 二十。○  
 二十一。○  
 二十二。○  
 二十三。○  
 二十四。○  
 二十五。○  
 二十六。○  
 二十七。○  
 二十八。○  
 二十九。○  
 三十。○  
 三十一。○  
 三十二。○  
 三十三。○  
 三十四。○  
 三十五。○  
 三十六。○  
 三十七。○  
 三十八。○  
 三十九。○  
 四十。○  
 四十一。○  
 四十二。○  
 四十三。○  
 四十四。○  
 四十五。○  
 四十六。○  
 四十七。○  
 四十八。○  
 四十九。○  
 五十。○  
 五十一。○  
 五十二。○  
 五十三。○  
 五十四。○  
 五十五。○  
 五十六。○  
 五十七。○  
 五十八。○  
 五十九。○  
 六十。○  
 六十一。○  
 六十二。○  
 六十三。○  
 六十四。○  
 六十五。○  
 六十六。○  
 六十七。○  
 六十八。○  
 六十九。○  
 七十。○  
 七十一。○  
 七十二。○  
 七十三。○  
 七十四。○  
 七十五。○  
 七十六。○  
 七十七。○  
 七十八。○  
 七十九。○  
 八十。○  
 八十一。○  
 八十二。○  
 八十三。○  
 八十四。○  
 八十五。○  
 八十六。○  
 八十七。○  
 八十八。○  
 八十九。○  
 九十。○  
 九十一。○  
 九十二。○  
 九十三。○  
 九十四。○  
 九十五。○  
 九十六。○  
 九十七。○  
 九十八。○  
 九十九。○  
 一百。○

改書瓊崖碑

周大禮嘉靖中備兵東粵至瓊崖泊舟處有碑穹立載元  
年月大書九字大元張洪範臧宋于此大禮見之大言太  
祖驅胡先合春秋大義尚詔仕元諸臣勿入賀不欲以臧  
元志喜且曰吾祖父世食其毛帝王廟不削其位洪範何  
人不自回念若何地位持何名理出語無遜遂立削此碑  
更書宋陸秀夫死難于此八字大禮字子知以進士歷官  
云

論曰大禮政績不甚著獨此八字可揭中天



俺答犯京城

嘉靖二十九年八月，鹵俺答入古北口，犯都城。先是大同人趙小孩、素狡通鹵，春從鹵中來，稱鹵強請撫鎮，用一妓詐稱總兵女，送俺答求和。撫鎮怒，答之。小孩從墩軍暗招鹵，曰：「直至北京正陽門外相會。」是夏，大同總兵張達副將林椿皆被殺。總督阜巡撫郭宗臯、陳燿、謫戍。時劉喜峰外屬鹵通俺答，八月從古北潰牆入，則薊撫王汝孝猶報軍守嚴，射退鹵，奪馬匹數多也。京城戒嚴，陸錦衣炳以衛兵布皇城四門，兵部尚書以勇字四營兵駐京城外，威字四營登城守，大三營補之。各文武大臣督監九門，其肅

撫王儀、梁通州、東直門、安定門、崇文門、得勝門、俱督鎮營  
守。而朝陽門、仇總兵、爲主之。己而鹵在白河東岸。上賜鵞  
平胡大將軍印、移營東出。上惑、邦議城外兵、半入護皇城。  
會各遣援兵至。鹵渡河、結陳東郊。日有火光不絕。直到東  
直門外。從馬房執內臣八人、去。鹵縱八人歸。上、番書、求、貢。  
并言、朵顏引路事。城外居民被傷、盈萬。號聲徹西苑。上令  
開門入保。鹵掠諸婦女、酣飲大教場中。上遣王儀、及叅將  
劉錦等、內外失事。諸臣是月、鹵至白羊口。半從橫嶺、及懷  
來。張家口出。半復回。欲騷天壽山。總兵趙四、教、彘、空、砲、恐  
之。疑伏、不敢入紅門。仍出古北口去。通計男婦被殺、且擄。

合六十萬京邊軍竟未與虜一戰將息於諉避兵習與惰  
游鹵衆已入古北縉紳尚為長夜之飲聞報震愕失措兵  
部按空籍而不知所遣戶部守帑廩而不知所發器械必  
閔請而後可給文移必轉輾而後可通至于犒師之費禦  
鹵之具直同兒戲豈有乘機應變之略乎使國家有任事  
之臣何必委大權于狂豎子如鳶也





召對初政

天啓七年、烈皇初立、九月朔、召對、伊始、自此、凡嚴諭、如毋相沿習套、如輔臣擔當、州縣勿更調、勿加派、如嚴禁交際、納贖、如命李襄城守錡、專理京營、須盡革從前積弊、如勒定挿囚之費、如因亢旱、齊居文華殿、命清刑獄、凡明諭、如文臣不愛錢、武臣不惜死、如武為文所轄、文清武自戢、如准行開屯種引之法、如議及每年加遼餉六百萬、惻然曰、寔出不得已、如開納戶七工三、又惻然曰、事例何時止、如督師袁崇煥索餉、廷臣請內帑、曰、朕在宮極力節省、苦不足辦、若寔有濟、朕何惜此、如議裁驛遞、凡欽差軍机致

仕外一切裁革。曰。如所蠲。利在民間。純是。如以三冬無雪。  
三春無雨。引罪致禱。且云。竭誠備省。豈有求而不應之理。  
因自撰條例。付輔臣行之。凡詰責。如詰科道章奏。倪。入  
對時。何以但云風聞。如論營弊。限責京營總督梁世勛。清  
查整理。如遣面僧喇麻赴。挿。日。講。賞。意。不。懌。曰。在朝無人。  
乃伏一僧。如面。飭。大。破。情。面。如詰言官。說朕欺朕。諸不得  
效尤。如勇勅吏。弊莫大於賄。刑法要得其平。如核兵。清餉。  
面叱韓一良。奏對不寔。如怒言官。召對空文。全無寔際。頗  
形於色。如詰責。枚。卜。錢。謙。益。閔。節。一。事。着。再。審。過。如言官  
毛九華等。連劾溫体仁。上曰。此為謙益報復。切齒党同。遂

云果為國家起見。朕自始得度。諸臣必懷一私意。迺公言  
非然。必不屬草。如諭群工。吏治民情。豈無可言者。但是  
於賄賂情面。不肯寔做。即有條陳。不過悅耳。要緊十不  
三。嗣後召對。漸天其初。諭窮開漁採。災禳日告。叅罰開復。  
葛藤不休。純任內臣。詔獄加餉。沮塞諫諍。雖有正己率物。  
巡撫賢則守令無不肖之諭。舉潛脩之士。罷各道內臣監  
視。而高起潛提督如故。以至都城戒嚴。言人人殊。上曰。莫  
若捐助便。又怒罷內臣監督之議。輒謫侍郎仇維楨于外。  
盛氣責侍講黃道周朋比。至比之火正郊。外謫。雖自悔。復  
諫。降座師。禮閣臣。延儒逢聖陞三人。而青袍脩省之日。以

枚卜濫及房可杜壽。成尚書李日宣壽六人于邊。及十七年三月上策戰守之計。諸臣嘿然。上曰。朕非亡國之君。諸臣皆亡國之臣矣。拂袖入。

按列聖朝有常期。由神廟恭嘿。机務廢闕。百弊叢比。毅廟中以朝禮繁數。改為呂對之說。自經筵外。上之俯接諸臣者。蓋寡矣。而講筵例不得他及。講官不盡諸諸曹事宜。于是台對二字。積弊有六。大凡君臣日見。則親情易通。肺腑台對。則勢隔。而疑生。疑生而情易匿。日見。則形解。漸衰。粉飾台對。則日新。而恭作。恭作而偽。易滋。日見。則語切。不諱。艱難台對。則體懸。而氣促。氣促而語不

深○日○見○則○樂○聚○或○及○宴○笑○白○對○則○異○已○而○嫌○生○嫌○生○而○  
 責○備○自○甚○日○見○則○中○空○不○存○成○見○自○易○容○納○白○對○則○內○  
 是○而○驕○露○驕○露○而○凌○折○易○形○日○見○則○知○好○不○入○茨○感○白○  
 對○則○內○清○而○側○听○側○听○而○中○傷○莫○悟○而○况○帝○心○好○上○好○  
 察○好○復○好○矯○好○夸○以○上○六○弊○而○五○好○濟○之○其○誤○國○反○不○  
 若○神○廟○之○怠○佚○大○臣○猶○能○持○之○也○胡○當○日○諸○臣○無○苦○爭○  
 白○對○之○非○者○





錦州失事

前鋒八城者。愆兵祖大壽之所轄也。寧西四城。自寧遠衛  
延西沙後所中後所前屯衛。距關蓋七十里。其中三十五  
里為中前所。偏山海關。又寧東四城。為塔山。為杏山。為松  
山。而錦州最當衝。又東百里為易州。則三岔河界之。東為  
廣寧。而遼陽。而瀋陽。自遼東壞。東師都于瀋。已全有河東。  
時大壽解保。覺華島。離寧遠十里。而寧東西所為八城者。  
皆安荒蕪。大壽既不敢自陳。朝廷亦置不問。天啓中。遂魏  
用事。酷得邊功。以陰其姪良鄉。遂使司禮三劉公。押為關  
東監督。而經理。積愆。總兵趙率。教任恢復事。率款以五百人。

護餉前。楚川荒蕪。純至中前所。輒報提。偽稱城中。掘地。得  
故藏金。盈萬。而密啓送。魏開。通商。于是商之。贏百貨俱  
集。遂使人邀大壽。覺華。並除地。延軍。連守之。稱大恆。復東  
師。初無及於西也。至是。乃大警。以兵攻寧遠。大壽三百人  
逆距。獲勝。遂魏。復令大監。陶公。紀公。援兵。協恆。魏州。詔既  
加。廣壽。魏氏。陞大壽。前鋒。提督。提兵。掛前。鋒將軍。印。加少  
傅。專守。魏州。東師。嘗實。廣寧。至八角。臺而返。或曰。忠賢。果  
親。昔山海。兵無。不過。三。至者。崇禎。己巳。冬十一月。東師。間  
從。清山口。直入。薄。都。城。時。總督。袁崇煥。已殺。毛文龍。專任  
關。東。事。遂。乃。大。壽。魚。程。入。關。勤。王。遇。東。師。薊。州。步。將。高。勳。

三千陳沒。魚陞以勇免。大壽不敢戰。遂請神京。而令裨將  
張存仁、孫定遠等還過東師之及。詔崇煥入見。厚賜勞之。  
移日。輒疑崇煥。欲東師之入。磔諸市。大壽聞崇煥見。收疑  
故東夫。會閩部孫承宗徑畧閩上。大壽請南水關鑰。未至。  
其部將輒斬閩水。至歡喜嶺。大壽悔曰。若不見原。此坑是。  
莫違矣。命其部各散夫。吾獨存候命。時德兵馬世龍奉詔  
慰大壽。且賜上方劍。曰。誅崇煥。与祖氏無与。東師猶以大  
壽尚壁沙河門。意據山海。分兵直至紅花店。承宗急檄  
大壽入關。應之。東師不信。得前鋒前戰。不戰輒返。除之。破  
張家灣。明年復破溧州。遵化等處。四月。破永平。出牆子。去

京遠陽

道白養羊

詔以大壽東眺有功，預其子澤濟世襲錦衣

指揮。四年，閣部承旨議城大凌河以固錦州。大凌河距錦

山七十里，故有城。地用夫頓繁，時令中軍何可剛主其事。

而大壽以兵護之。七月，東師攻大凌，圍極深，濠困之。三月，

城中人相食，至生監何中軍城破。大壽戰，大敗，精兵七十

餘人，馬七十餘匹，一朝盡。幾十年積貯無存者。大壽麾下

如張存仁等皆車馬，大壽年被執，厚遇之，賜帽及貂裘，欲令

誘致八城。大壽諾，盟而返。時西協將張和亦東歸，以此悅帝。

歸山也。大壽遂以前鋒將軍印由黃，疾上馬，東令二十七騎

從行。石甲曰：此何用被印？吾從大壽，欲令撤八城歸我，彼失

印衆疑不與也。不如與之印。而剗寔鉄騎三千隨至。綿受  
城時十一月。晨大霧。恐大不祥。廿七騎前行。晚叩闕。閉  
大壽繼至。大壽妻。偶曰。大壽去。大凌。且死。大凌。此來非  
真。令一騎入。果大壽妻。垂慟。与語。輔送。恩不薄。將負之乎。  
必以吾等為齒。而非夫。而無君。而吾。而為夫。速自裁。大壽  
不能一語。弟大弼曰。兄定以此數城為贖矣。果然。弟大弼  
生兄。奈何。大壽曰。此謂与求。何自。弟應知之矣。吾廢諾。可  
而三千人。殲矣。何以與之。且曰。降非吾意。不降。不能。歸。今  
歸矣。度遂拒。惟弟大弼。則城中兵尚存二千餘人。遠撫丘  
禾嘉命。求協。鎮孟通等。勒大壽。東反。大壽願。劫死。妻曰。如

是吾以為夫。于是復入廿七騎而扶其一。衆猶以大壽不  
附印。爭譁之。則廿七騎之一。方負印。既而馬逸而不能前  
也。乃三千人日干不至。益又疑。大壽亦不知其故。蓋霧重  
迷。前百里乃返。已第三日矣。屯北門十里外。先二騎屯  
北。因湏大壽命。大壽慚。暴面不肯出見。大猷乃反。持大壽  
交。以押登城。惟一言以決。大壽不得已。語二騎。鄭重語之。  
送我。請回。二騎歎。如是。豈能復命。大壽出裘帽。投城下。曰。  
持驗之一騎先歸。韓安三千人盡撤去。初。援師之向大凌也。聞  
部承宇疾。令搃兵吳襄。及圍練鎮。聞內鎮。輝理鎮。並出。而圍  
內道。張椿監其軍。營長山。與東師遇。我頓勝。已而兩鎮。

委議分營。亂東人謀知之。既騎直入內師大敗張監軍椿  
被執。大凌坐無援。敗建州初無文字。自大海者。分島頭。解字。願  
不得筆墨。往往用木牌。削小亦使稅。蘸黑煤畫之。久之通朝  
鮮。無所不備。既以文字用人。則自播言之。凡通文字者。初  
為亦斤兒哈庫。賜帽項。後遂有及第。六十二年二月。東師  
屯易州。墜荒。欲資糧以困錦州。兵部職方張若騏急戰。徑  
署浩承疇。以精兵營錦。西門之外二十五里。為錦昌堡。蓋扼  
一而難三城之計也。錦從南門出十八里。為松山堡。山有  
乳峯。最高。上其項。可覘松杏。與錦之要害。稍西十二里。為  
杏山。又西三十里。為塔山。又西六十里。為寧遠。東師更番

破國中不深東



出屯。每三月一撥。大約一人經年四撥。經畧乃統十鎮

之師。

團練鎮吳三桂、提遠師、分練鎮李岩臺、及于永壽、楊國柱、官撫民、王定、而曹標為曹變蛟、白老、恩、撫標王

廷與遠撫丘民仰全隊會松山營未定、猝合搃錦昌一戰

不利。並休兵。每三日二鎮共戍塔山。而更番。疑錦昌

東師失耕。粟價十倍於常。久苦之。明年東師掘濠。因錦濠

三重。大壽兵不得出入。城中糧匱。八月之朔。經畧洪檄諸

鎮兵先搃乳峯山。拔之。勢張甚。東師且擬安濠。洪乃立

柵乳峯。為長火計。七日而瀋陽聞報。東師拔城起。不滿者少

有馬。与燕鳥。留者殺無赦。限五日。至錦。半道。知錦。呂不敗。乃

日揚兵。錦之門外。更獲幟。示至多。錦守者怯。經畧洪遂盡



撤所守祖大壽以錦州降第經夫都大樂朝歌等六降則  
是年三月十五日也。于是寧前通石鳳臺上守寧西法坐  
擅矣封疆之律下撤而令吳三桂守寧遠四城冬十月東  
茂勒根王以衆入青山口攻薊州直至山東迄淮共破一  
百八城。越明年癸未四月之杪火牆子隘夫。費師閣部延儒  
送寧而已。已而三桂棄四城移其民關內竟守關門。

嘉慶元年三月三日蘇州府知府吳元鼎以事回籍  
 由小蘇州即吳縣城內四月三日由蘇州府城內  
 乘舟往上海縣城內五月三日由上海縣城內  
 乘舟往松江府城內六月三日由松江府城內  
 乘舟往常州府城內七月三日由常州府城內  
 乘舟往蘇州府城內八月三日由蘇州府城內  
 乘舟往上海縣城內九月三日由上海縣城內  
 乘舟往松江府城內十月三日由松江府城內  
 乘舟往常州府城內十一月三日由常州府城內  
 乘舟往蘇州府城內十二月三日由蘇州府城內  
 乘舟往上海縣城內

木起國併力入關

太宗有女直之地。設奴兒干都司。其後漸失。舊牒乃更時  
同事有亦起等五國。木起者。其王之國牒也。餘四國僕攻  
崇禎甲申春。總兵西平伯吳三桂奉命乞援于廣寧。滿兵  
亦起頗不從。而為所脅。乃併力入關。降封為王。尋四大臣  
把禿羅之曲庇滿故。与瘡。怯。獲敗。其党國報復。亦克把  
禿之敗。置高牆。于是亦起之封公者。被果究之測。支屬困瑣。  
生幼孫名葆。字蘊。負殊親。工詩文。得優釋。与故土。列官  
部。即借驛使為筆帖式。乃言甲申五國共事之故。得請家  
人遺命。故不甚惠。



列朝屬彛封爵

鞞韉

阿魯台、永樂中封和寧王、

瓦刺馬哈水、永樂中封順寧王、左平為賢義王、把禿字羅

為安樂王、

小王子俺答、萬曆中封順義王、三娘子哈屯封忠順夫人、

世傳西寧阿端封安定王、

哈密

安克帖木兒、永樂中封忠順王、傳脫、死、權封脫、從弟

免力為忠義王、代守、久之、封字羅母孛溫答失力有國

事世為土魯番所困。成化中，權封忠義王脫歡、罕慎為王，護哈密。弘治中，以脫之遺裔罕巴為忠順王。子拜牙即嗣，竟屬于土魯番。

西番

如來大寶法王、正覺大乘法王、又闡教王、闡化王、贊善王、係宣德中封，共五王。又闡法王、輔教王、贊化王，共三王。

安南、洪武初封陳日燿為國王。永樂中，移封胡查為國王。宣德中，移封黎利署國王事。

朝鮮、洪武初封王顥為國王。十八年，移封李成桂嗣王。世

朝貢

日本、洪武中、王良懷稱臣表貢、封為國王、永樂中、國王源

道義嗣封、世朝貢

琉球、洪武中、賜三王印、封中山王察度、山南王承察渡、北

王怕光芝、世朝貢

占城、洪武中、封阿答阿者為國王、世朝貢

真臘、洪武中、封忽兒那為王、世朝貢

暹羅、洪武中、封答烈昭昆牙為國王、世朝貢

赤斤蒙古、洪武中、封卜烟帖木兒為安定王、世朝貢

蘇門答刺、永樂中、封宰奴里阿必丁為國王

瓜哇、洪武中、昔里八達刺請易勅、封為王、永樂中、封寧令

達哈為東王、都馬板為西王、世朝貢、

滿刺加、永樂中、封西利八兒速刺為國王、

淳泥、永樂中、封麻那惹加那乃為國王、世朝貢、

三佛齊、洪武中、封麻那者巫里為國王、

古<sup>哩</sup>永樂中、封沙里的為國王、

柯枝、永樂中、封亦可里為國王、

蘇祿、永樂中、封巴都葛以答刺為東王、封麻哈刺吒葛刺

麻丁為西王、封峒妻以都葛巴刺卜為峒王、

古麻刺、永樂中、封幹刺義亦敦奔為國王、



文字不接前有脫葉

畏懷化外。較古昔更遠。重譯不啻也。則自成祖之大度  
雄風。為之敷被。太祖時未及矣。祖訓勿勤遠。而鄭和之  
遣。以兵從。幸而不蹶。不然如尋國何。而最奇波濤之中  
初。未嘗受封。却存故甲子。則永樂中意計不及此。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

天子封諸侯，皆以三公之禮，封為王。天子封諸侯，皆以三公之禮，封為王。

地土變異

鄆縣河淤亂石。隨手破之。有石魚二三寸。天然鱗鬣。或復  
或隻。俗云藏衣笥可以辟瘧。

平陽候馬驛滄河。南岸石削。每有婦人手蹟。或伸或拳。宛  
然若印。削去之內。復有然。

山側削或五六十丈。腰間一帶。可四五尺。白之占  
或曰。關中穀麥皆尔。

漢曰。漢中。漢中。漢中。

漢中。漢中。漢中。漢中。漢中。

漢中。漢中。漢中。漢中。

漢中。漢中。漢中。漢中。漢中。

漢中。漢中。漢中。漢中。

漢中。漢中。漢中。漢中。漢中。

漢中。